

揚州府志卷之二十九

人物二



明汪廣洋字潮宗高郵人元末遊寓太平明祖渡江召爲元帥府令史累遷右司郎中知驍騎衛事平章常遇春下贛州廣洋叅軍事遂守贛州拜江西行省叅政洪武元年徐達平山東命廣洋往撫納新附民庶安之召入爲中書叅政明年出叅政陝西三年召爲右丞左丞楊憲惡其軋已嗾侍御史劉炳劾之謫海南帝尋悟誅憲召廣洋還封忠勤伯誥詞比之子房孔明四年李善長致仕以廣洋爲右丞相叅政十年拜右丞相會占城

揚州府志

卷之二十九

人物

一

貢使至不卽引見又御史中丞涂節言劉基死毒廣洋宜知狀帝怒又謫海南行至太平再賜勅責之遂自縊廣洋少從學余闕通經史善篆隸大書工詩歌爲人寬和自守與奸人同位而不能去故及於禍

本傳

蔣宮字伯雝真州人五歲誦孝經論語左氏春秋十歲善屬文從學陳子山子山銳意釋經宮乃列諸家傳疏得失進子山異之授以詩書春秋宮輒悟其旨子山謂人曰明敏若宮雖汝南應世叔不足多也自是博極羣書於制度沿革陰陽曆數之義無不通元正初登第未幾丁祖憂負祖母避地浙東以



服闋授崇明州判官攝州事有聲洪武刑部吏薦宮  
才可備史館授翰林修撰尋擢開封蘭陽縣令地當南  
北要衝兵燹之餘寇盜充斥居民存者十二三宮廣爲  
招徠一年復業五千餘戶彌災捍患掩骼埋胔通商販  
理冤滯安反側開學校崇德義邑人大和秩滿朝京以  
疾卒

嘉靖惟揚志

邱民字克莊江都人洪武初爲松江府學訓導慕學之  
士自遠而來十餘年無慮千數松江一時文風之盛不  
下鄒魯

列朝詩小傳

萬曆志云民洪武九年舉於浙江宋濂鄭戩以知禮

揚州府志

卷之二十九

人物

二

薦歷官禮部侍郎卒葬蜀岡禪智寺前

楊允字執中寶應人洪武十四年歲貢官御史年纔二  
十餘爲人明斷善治獄帝甚寵任之時人呼小楊御史  
歷江西按察司副使前後斷獄凡四萬餘卒年三十有  
二

寶應舊志

顧謙字仲謙儀真人洪武庚辰進士授行人尋拜監察  
御史按治南詔時兵伍之制未成謙至編立衛所尺籍  
伍符釐然不紊會吳橋賊猖獗謙奏誅之按部宣朝廷  
德意給以冠服使知向化賊有以金繡紵以鬼者歸皆  
奏聞帝以京師流民輻輳恐無告所爲言飯堂市中



多備藥物使謙主其事謙曲爲嫗全舌甚衆上嘉之  
洪熙初擢通政司叅議以同列連坐降本司知事宣德  
間以薦遷江西按察僉事再調浙江擊奸戢貪舉賢勸  
士並有仁聲以老病乞歸卒所著有魯齋愛梅軒遺芳  
諸稿儀徵舊志

陳琰字公信江都人洪武間貢入太學授監察御史巡  
按雲南每出廨見院東民家烟突出人手作招訴狀心  
知有冤猝召其家長督錮之而搜檢其家物得江西估  
客路引一紙乃出訊之曰爾前者沒江西估客財而殺  
之匿其屍竈下今露矣其人卽伏罪時詫其神歷陝西

揚州府志

卷之二十九 人物

三

左布政使以忤藩邸歸

萬曆府志

陳晟字克昭寶應人自幼刻志經史洪武中以能書薦  
入中書累遷五軍都督府斷事有都督某犯法當死太  
祖念其有功欲釋之晟條列所犯執奏上怒命尚書茹  
瑋劾實及瑋復旨與晟初鞫無異上乃悅一日當奏獄  
上收其奏牘令晟背誦晟誦如流上曰見汝年少特試  
汝耳陞湖廣按察僉事後使日本回有憾晟者發其用  
私錢易馬謫居山東旣而上悟曰彼以已錢易物何罪  
召還補通政司經歷遷吏部考功主事以老乞歸居  
鄉足跡不涉城府課子孫力穡與嘉無異惟揚



高穀字世用興化人永樂乙未進士選庶吉士授中書舍人仁宗卽位遷翰林侍講正統五年尋陞句誦學士工部侍郎十四年英宗北狩穀居守預立景帝進工部尚書兼翰林院學士掌閣務時也先數請遣使迎上皇廷議不決中書舍人趙榮毅然請往穀嘉榮忠奮解所束金帶贈之及上皇將至京議迎復禮穀言宜從厚會千戶龔遂者投書於穀謂迎上皇禮不宜薄穀袖其書入朝示公卿曰武夫尚知禮況儒臣乎比駕至穀復上章申前議無顧忌聞者義之二年進少保東閣大學士都給事中林聰忤執政論死穀爲力解得減丙子順天揚州府志

卷之二十九

人物

四

鄉試王文陳循以子落第奏誣考官劉儼黃諫穀奉命覆閱試卷力言儼等無私且曰大臣子與寒士競進已不可況不安義命欲因此戕考官乎儼諫乃得免裕陵復辟穀謝病賜金帛襲衣給驛舟以歸穀杜門家居瘠田僅足衣食成化初詔贈太保諡文義

本傳

董璘字德文高郵人少以才學名永樂戊戌會試第一殿試一甲第二授翰林院編修以母老乞歸養母嘗病思鱒魚已過時不可得禱於江神命漁者舉網竟得二鱒以歸人驚異以爲孝感母喪終陞修撰其子宣宗實錄主浙江試兩預會試分校咸稱得人後愷太常典禮



樂不可以畀異流乞自爲其官忤王振譴還鄉里卒於家所著有玉堂清餘集

高郵舊志

黃惟正字用中儀真人永樂中進士爲戶科給事中遇事敢言舉劾無所避嘗兩論冢宰蹇義義銜之會晉府長史缺上勅吏部推能幹正大官補之義疏惟正以聞上欲留之他用義曰能幹正大無如此人遂命以往至則王敬憚焉惟正性剛毅體幹魁梧美髭秀目時方以公輔期之爲義中傷怏怏以卒

儀徵舊志

龔謙字廷益高郵人正統戊辰進士授監察御史英宗北狩謙首疏迎復建儲二事直聲震臺中巡鹽兩浙姦揚州府志

卷之二十九

人物

五

蠹悉祛旋清軍湖廣得大體都御史寇深移文他省清軍者令俱以謙爲法未幾卒於官人咸惜之孫勳以孝聞

萬曆府志

張曦字景芳江都人景泰間以例貢授攸縣令民素強梗曦躬行化導之門禁清肅戒絕餽納昭雪幽枉寬其徭稅不事苛暴民遂感服乞歸數年民爲立生祠祀之

嘉靖惟揚志

朱暄字景文高郵人景泰庚午舉於鄉薦授御史巡按山東不避權幸有宮掖乳嫗季姓者占奪民田暄覈實奏按以法改按雲南曲靖府俗素犷悍奏爲建學設官



省有險道開山路百餘里行者便之立祠道左名朱公嶺外補嚴州府九年行清政簡囹圄常慮考績爲天下第一常植柳其地人呼曰朱公柳陞福建叅政未仕而卒

高郵舊志

邱俊字漢英江都人天順甲申進士累陞雲南按察僉事念母老無他子弟侍養會捧表進京卽上疏乞終養詔許之稱孝搢紳間

嘉靖惟揚志

張冕字汝端江都人天順己卯舉人同知台州府衙署清肅苴謁無敢入考滿增四品俸復任五年比歸家人誤持官釜入舟至中途始覺急返之遷澉江知府操履

揚州府志

卷之二十九

人物

六

益峻後家居淡薄運使畢亨分俸金遺之固辭不受

嘉靖惟揚志

張文字存簡泰州人成化丙戌進士任比部郎時奉命錄囚畿內多所平反有馬平兒者報父仇抵罪文上疏謂君父之仇必報反復累數百言讀者感動平兒遂得免死陞浙江按察副使伸雪冤枉全活甚衆文平生自奉儉約周人之急則傾囊弗吝尤嗜學不倦所作詩文皆有關世教云

嘉靖惟揚志

柳琰字邦用儀真人成化丙戌進士授戶部主事監收密雲軍儲請託不行監督淮安糧餉中官不得恣搆之



左遷南陽通判改廣平稍遷吉安同知吉俗健訟琰擊  
奸右良能聲甚著江西民逋負歲幣藩臬命琰賫金赴  
浙織辦餘千金歸悉還之官時稱其廉擢知嘉興府修  
海塘繕城郭百務具舉初里胥侵盜官租歲爲民患琰  
廉得其人悉抵於法釋寃囚數百人卒於官士民爲置  
棺以斂廨無餘資所著有東津詩集

儀徵舊志

馬岱字伯瞻江都人成化丙戌進士初任戶曹會計出  
入人莫敢欺知泉州府民有數世不葬其親者岱至諭  
以禮旬月葬以千計僧每以尼爲下院岱罪其尤者餘  
尼悉以配平民風化爲之一變內艱解任行李蕭然泉  
揚州府志

卷之二十九

人物

七

民戀不能舍性剛峭好面折人過不避權貴人多嚴憚  
之

嘉靖惟揚志

冀綺字文華寶應人成化五年進士授戶部主事歷郎  
中會歲饑奉詔賑河間諸府稱旨爲威寧伯督餉條上  
邊務及時政二十餘事多見採納嘗劾皇親姚福等不  
法帝嗟異之曰好狠郎中擢應天府丞遷太僕寺卿進  
府尹致仕在太僕時攤減寶應及泰州高郵江都儀真  
五州縣俵馬若干匹鄉人德之

寶應舊志

高銓字宗選江都人成化己丑進士始入仕或勸增年  
就臺諫銓謝不可累官河南按察使風紀整肅歸德有



黃河退地千頃爲親藩所據上命中官與銓按實銓欲還民中官怒脅以惡語執不變竟如銓議歷左布政使巡撫保定有奸民獻民田爲皇莊者銓奉命勘實以聞乃歸田於民又立九則均徭之法民皆帖服正德中爲南戶部尚書改衛士廩米折色每月兼給著爲令以劉瑾故致仕逮獄瑾誅復官銓性溫厚好禮推挽後進不遺餘力家居雖鄉黨小吏來謁亦必公服送迎鄉人感之

參名山藏嘉靖志

張稷字世用寶應人成化八年進士授太常寺博士擢御史巡按福建大帥某怙勢爲民患稷列其罪奏黜之

揚州府志

卷之二十九

人物

八

嘗以傳奉冗員淆亂仕路率同官奏曰比來末流賤伎妄廁公卿屠狗販繒濫居清要文職有不識一丁武階亦未挾一矢甚有軍匠逃匿易姓進身官吏犯贓隱罪希寵一日而數十人得官一署而數十人寄俸自古有如是之政令否也帝得疏意頗動會都給事王瑞亦言居三日貶秩奪官者十數人皆人心所快稷每對客撫掌論時事氣勃勃不能平草陳時政疏數千言未及上而卒所著有竹西稿

本傳

金琇江都人成化丁酉舉人正德初知保康縣廉介正直吏民不敢欺時歲祲兵擾民將竄去琇推誠撫安之



民始樂業尤加意學校待士以禮文風漸興去官後民立祠祀之

姓譜

葛萱字光庭高郵人成化十四年進士初授行人陞監察御史建議除盜恤軍選將及借留起運軍儲十餘萬石賑濟鳳陽等處一時軍民感悅弘治初巡視山東滄州鹽課兼理河道奏減竈民陪償消耗鹽課一百四十七萬餘引改巡廣東征後山瀧水擒獲賊首姚觀祖等斬首二千餘後山賊爲廣東害數年萱一日平之上特勅獎諭陞江西僉事又改陝西督征哈密軍餉有功九年罷歸十年上追念前績遣賜白金文綺者再

高郵舊志

揚州府志

卷之二十九 人物

九

儲燿字靜夫泰州人九歲能屬文成化癸卯甲辰鄉會試皆第一授南京吏部主事孝宗嗣位疏薦張吉等五人可任諫官皆錄用進郎中尚書耿九疇器重之調考功考注臧否一出至公嘗覈實一官九疇欲改評燿不從且云公所執何異王介甫九疇大慙徐曰郎中言是然非我莫能容也武宗立塞上有警條禦邊五事又陳馬政病民者四事多議行科道官龐泮等言事下獄燿論救之陞太僕卿正德二年陞南京左僉都御史督理糧儲入爲戶部侍郎督倉場宿弊盡釐時劉瑾擅權數凌侮大臣獨敬燿稱爲先生燿憤其所爲五年春引疾



致仕瑾誅仍起爲戶部左侍郎七年改南京戶部轉南京吏部卒於官壘體貌清羸若不勝衣淳行清修介然自守工詩文推引知名士辟遠非類不惡而嚴諡曰文懿有柴墟集

參本傳名山藏

黃瓚字公獻儀真人成化甲辰進士授南京戶部主事進員外郎督湖廣諸州軍餉父喪服闋遷本部郎中弊清事集同官憚之出爲四川布政司右叅議督松潘諸路邊儲時番人爲寇瓚至備示朝廷威德禍福順逆之勢諸洞帖然母喪歸服除起四川左叅議正德初藍郛諸盜起巡撫林俊檄瓚分守保寧深入通巴解散賊黨揚州府志

卷之二十九

人物

十

遷浙江右叅政擢江西右布政使時寧濠不法諸司多爲所制瓚獨不撓轉湖廣左布政使吏部疏天下外官治行五人瓚第一賜宴禮部陞應天府尹巡撫山東時山東寇亂之後郡縣貪殘瓚乃身示儉樸藩臬以下無敢有燕樂者黃河決城武請遷縣安民劾舉庶官貪廉臧否不私裁臨清關中官溢稅設保伍法弭響馬盜修武備繕城郭百廢悉整武宗嘉其勞遣中使齎金帶一品服賜之瓚以無功辭入爲南京兵部右侍郎江彬扈從南巡值其生日部寺俱賀瓚獨不往嘉靖初致仕卒賜祭葬所著有雪洲文集若干卷

儀徵舊志



王讓字時遜泰州人由舉人歷三縣尹有奇績復知洪雅縣縣初建城垣公廨俱草創讓隨方規辦與民同畚鍤間出已俸犒賞未期工竣民不告勞興學校勸農桑暇則循行阡陌田稅均平數年戶口增五千餘麥產五岐禾穎九穗瓜茄一蒂結十實以老辭歸邑人建遺愛樓塑生像以事之

泰州舊志

陳達字兼善揚州衛人授威遠令入覲吏部舉天下廉吏七人達預焉後以病歸民立去思碑頌之

嘉靖惟揚志

盧瀚字文淵江都人弘治癸丑進士授兗州府推官政操敏肅洗冤澤物他郡獄多待決累斷大案有異政郡

揚州府志

卷之二十九

人物

十一

人祠祀焉行取爲河南道御史首論周經許進當從衆薦召用文森等因論事下獄宜寬宥其邪佞如陳瑤李溫俱可斥免雜進如孫伯謙等亦乞罷遣又因災異力請開納讜言以祛敝政及清冗食用省京儲凡所論列並切大體遷知岳州府以疾乞歸尋卒

江都縣志

陳玉字德卿高郵人弘治癸丑進士選庶吉士授監察御史時災異迭見玉疏經國大務數千言皆切利病上嘉納之歷北畿陝西浙江三省提學累陞僉都御史正德初進兵部侍郎提督東西兩路邊務東起山海關西止龍泉關延亘二千三百餘里大小關隘三百四十餘



時邊防未固兵馬未足而朶顏等衛人勾引北敵乘隙竊發東路既寡弱無援西路尤單薄不足恃玉乃條陳急務四事悉見施行在邊六年悉心籌策邊境肅清屢疏乞休不允復陞南京右都御史掌院事致仕玉敷歷中外幾三十年皆懋著聲績爲世名臣所著有友石亭集四卷奏議四卷

高郵舊志

徐蕃字宣之泰州人弘治癸丑進士乞終養歸後謁選授南京吏科給事中以論劉瑾逮杖幾死放爲民瑾誅起爲江西叅議擢浙江提學副使抑浮靡崇理學累仕爲都御史出撫鄖襄清覈流民得二十餘萬後以工部

揚州府志

卷之二十九

人物

十三

右侍郎提督易州廠以疾乞休蕃性簡淡寡嗜好居處衣饌取給而已嘗見其子治室頗整肅之素無妾媵其妻在家爲購女備巾櫛蕃歸見而訝之卽日具裝遣還其家

萬曆府志

趙鶴字叔鳴江都瓜洲人弘治丙辰進士授戶部主事爲尚書侶鍾所知壬戌天下大稜鶴代草上寬恤事宜詔文武大臣會議蠲諸不急著爲例陞本部郎中督永平山海薊州糧草兼視屯田條上邊場急務十六事又以征收草豆積久腐敗奏請折價貯庫臨時和糴以給軍需其古北口等倉儲不足以供遊兵請更番操練有



警調發自是邊儲賴焉正德初陞建昌知府益府軍校有忤橫虐民者捕置之法闡瑾以規賄不得搜薊州耗糧事左遷南安同知尋擢金華知府在郡疏請廣折徵寬加派備積貯禁溺女諸事錄東萊北山魯齋仁山白雲五先生遺書爲正學編集范香溪以下諸家爲金華文統集劉孝標駱賓王舒元興及近世四十餘人爲文統拾遺表范文簡潘默存之里皆正俗誠民之要擢山東提學副使或以其約士過嚴爲蜚語謗之卽上疏乞致仕歸築精舍江滸日夕嘯咏其中嘗編惟揚郡乘著具區文集若干卷

萬曆府志

揚州府志

卷之二十九

人物

十三

徐昂字文舉江都人弘治丙辰進士授兵科給事中屢疏陳治道及論邊備皆切中時務正德初劉瑾引用其黨馬永成谷大用等八人戶部尚書韓文抗疏暴瑾罪惡瑾矯旨罷文昂疏言文歷官年久端謹素著國家倚以爲重不宜罷瑾矯旨并奪昂官嘉靖初卹錄舊臣起昂爲廣東右叅議昂初無子就王生相生日君今年登第但不宜子後在西安途中買一妾詢之乃良家子卽焚券爲擇配秩滿如京師相者迎謂曰君相頓異可得子矣後數歲果育五子

萬曆府志

左唐字堯卿江都人弘治丙辰進士爲廣東叅政署司



篆吏無所容奸恨欲撓之會查盤使者至所盤計鉅萬獨羨餘百金訝其少詰守藏者曰事由署印叅政使者弗審徑以論唐唐忿而病僚友慰之拊膺曰平生砥礪名節顧乃蒙垢若此遂不食而死同寅並藩臬會呈撫按言唐寃按爲覆盤庫則應有羨餘故在實不止百金將奏雪之以唐喪歸乃止唐性廉介以官爲家不問生產喪歸囊橐蕭然倫以訓爲誌墓且書其寃

嘉靖惟揚志

胡獻字時臣興化人弘治丙辰進士改庶吉士授御史踰月卽極論時政數事言屠浦爲吏部尚書王越李蕙爲都御史皆交通李廣得之由陛下議政不任大臣而揚州府志

卷之二十九

人物

古

任廣輩也祖宗時恒御內閣商決章奏經筵日講悉陳時政又不時接見儒臣今幸閣之禮久廢經筵祇故事而日講又復寢罷願陛下追舉舊制凡政事闕違皆許陳說庶啓沃爲不虛也京通二倉總監內臣每收米萬石勒白金十兩以歲運四百萬石計之人四千兩又各斗級二三百人使納月錢夫監督倉儲自有戶部焉用中官願賜罷遣京操軍士自數千里至而總兵坐營等官又各分屬辦納月錢乞嚴革以蘇其困陛下遇災求言郎中王雲鳳主事胡燿皆有論奏而雲鳳等得罪則與不修省何異願利弊當興革者卽見施行東廠校尉



本以緝奸邇者但爲內戚中官洩憤報怨如御史武衢  
忤壽寧侯張鶴齡及太監楊鵬主事毛廣忤太監韋秦  
皆爲校尉所發誣以罪名臣亦知今日言之異日必爲  
所陷然臣弗懼也疏入下獻詔獄謫藍山丞未赴遷宜  
陽知縣馬文升薦之遷南京都察院經歷武宗卽位擢  
廣西提學僉事遷福建提學副使未任卒 本傳

嘉靖志云獻方直好古廷對策語指陳時事謂政權  
歸於內使大臣奉行文書呼家奴爲老先生等語尚  
書馬文升讀卷爲之歎服後卒於官無以爲斂同寅  
助之護其喪及妻子以歸稿葬三十餘年貧不能襄

揚州府志

卷之二十九

人物

五

事嘉靖間侍御胡植檄有司爲營冢壙

王軌字戴卿江都人弘治十二年進士正德初歷工部  
員外郎屢遷山東左布政嘉靖初入爲順天府尹房山  
地震軌言召災有由語多指斥忤旨切責尋遷右副都  
御史巡撫四川芒部土知府隴慰死庶子政與嫡子壽  
爭官政使人誘殺壽奪其印軌乃會貴州兵擒政於水  
西璽書獎勞爲戶部右侍郎覈九門首藉地以餘地歸  
之民勘御馬監草場釐地二萬餘頃募民以佃房山民  
以牧馬地獻中官韋恒軌釐歸之官奸人馮賢等復獻  
中官李秀秀爲請於帝軌抗疏劾之竟治賢等如律覈



勛戚莊田請如周制計品秩別親疎以定多寡非詔賜而隱占者俱追斷戶部尚書梁材採其言兼并者悉歸官稍進左侍郎罷歸以兵部尚書李承勛薦起故官總督倉場再遷南京戶部尚書改兵部詔舉將材薦鄭卿沈希儀等二十一人皆擢用居四年以老乞罷久之卒本傳

萬曆志云軌初授戶部主事監崇文門稅司禮太監蕭敬家奴市猪隱稅軌執而訊之忽健卒數十擁奪去敬以告尚書佾鍾鍾笑曰乳犢寧知畏虎耶陞員外郎奉命視直隸閩浙倉庫時劉瑾怙權每使還必

揚州府志

卷之二十九

人物

六

以賄見軌獨不往瑾怒令科道覆覈卒無所加罪改工部員外郎監遵化鐵冶瑾黨致書爲薪炭戶請託且恐以危言軌不顧將具疏劾之會瑾敗乃已爲順天府尹時內官有迎進大祀神牲需求無所得令所經道路築堤費不貲軌奏其生事害民狀權璫憚焉軌性至孝爲諸生時父病思食柿不得遂終身不食柿

朱應登字升之寶應人弘治十二年進士年始二十三明初制義取士風雅多置不習至是則何景明李夢陽崛起北方江南文士相應和者顧璘徐貞卿及應登三



人而夢陽尤推許應登時劉健當國謂翰林者他日執政也不宜崇尚詞華抑文學士不得入翰林應登遂授南京戶部主事然應登雖文人精於吏事知延平府多善政楊一清爲吏部尚書擢陝西提學副使初一清居是官建正學書院應登拔秦士高等者聚其中出所藏書教之多所成就應登才華彪發或當人落筆一掃千言旁觀奪氣一時僚友見妬飛語騰起調雲南尋陞叅政罷歸卒

寶應舊志

葉相字良臣江都人弘治壬戌進士初司李金華平獄均賦郡民戴之入爲給事中時劉瑾擅政中外無敢言

揚州府志

卷之二十九 人物

七

相首疏劾瑾又上建儲及漕運庫藏等十餘疏皆剴切識治體因忤權貴出叅政貴州歷江西布政使已復擢貴州巡撫會芒部構亂相討平之賜鏹幣擢戶部侍郎尋以病予告久之起補刑部侍郎終三年不調或諷以賂主爵者相笑曰有納粟尚書耶予告歸築迂隱園以老卒賜葬祭祀鄉賢

萬曆府志

朱嘉會字亨之寶應人弘治十五年進士年二十三觀政都察院晨夕讀律有疑輒就人講貫授東昌推官諸大吏少之試以難決獄嘉會援筆立判悉得其情有李氏女訟亡夫有金藏父所無左官久不決嘉會曰無富



女誣貧父事父慚出半還之有童婦亡去者其父訟舅  
筆死匿之嘉會鞠他尼僧乃得其婦人以爲神擢兵部  
主事進員外改御史轉廣信知府時有巨盜衆數千人  
擅號攻城邑劫府庫嘉會至罷一切文法使民富者出  
粟貧者任城守習戰鬪又募土兵出不意擣其虛賊稍  
稍引去明年賊更出境寇徽衢州朝遣大軍撲勦嘉會  
主辦芻糗濟軍亂定民以不擾歲饑上請蠲田租發帑  
賑貸除民所不便十餘事民德之擢辰沅兵備副使尋  
卒祀名宦

寶應舊志

楊果字實夫興化人弘治壬戌進士謁選授戶部主事

揚州府志

卷之二十九 人物

六

尋陞刑部員外郎以執法稱簡陞吏部文選郎中黜陟  
明允請託不行楊廉謂其門可羅雀陞南京右通政攝  
刑部事凡三大讞無冤聞寧王宸濠變上言九事尋乞  
養歸嘉靖初用言官薦起南京太僕寺卿陳馬政便宜  
數事從之陞太常寺卿再乞歸養復起爲南京戶部侍  
郎攝部事以疾卒於官果天性孝友執親喪三年號泣  
不輟歷官南北以母老不挈妻子所受業師四喪皆爲  
舉之且恤其孤官清要自處恬退嘗謂人曰吾平生無  
所長唯不識劉瑾錢寧江彬三人差自慰耳

萬曆府志

王儼字士望江都人弘治乙丑進士知光澤縣以廉謹



稱擢南京刑部主事人不可干以私有權要子殺人論之如法陞郎中執操愈嚴出守岳州以直道不容歸鄉人重之

康熙府志

盛儀字德璋江都人弘治乙丑進士觀吏部政時劉瑾以事干尚書托儀致書儀拒不許以是知名授禮部主事改監察御史時文體日靡儀請崇濂洛之學以挽士習陞山東按察副使勦商河巨盜寬夫役之困東人戴之遷雲南叅政察屯務清宿蠹尋陞湖廣按察使督修顯陵多所節省又活饑民萬計入爲太僕寺卿立解馬法遂著爲令儀歷官以清峻著致仕歸橐無餘貲薄田

揚州府志

卷之二十九

人物

九

敝廬僅足自給尤篤於孝友兄弟終身同居卒祀鄉賢著有惟揚志二十卷

萬曆府志

高滂字穎之江都人銓子也弘治乙丑進士正德初劉瑾羅織大臣誣逮銓下詔獄滂伏闕請以身代疏詞迫切事得雪宸濠謀逆陰賄璫請添設護衛滂抗疏陳祖宗法無增設藩王護衛例不可許且發其不軌事事遂寢後宸濠反人服其先識焉時大臣出治張秋決河又討江西流寇久無功滂并疏治河討賊之畧仕至南京

光祿寺卿

康熙府志

陳言字汝行江都人正德丁卯領鄉薦授棗強令治稱



廉明有權璫欲造橋衡水令棗強助費巨萬言執不可  
罷其役邑旱徒跣以禱俄雷雨大作邑大稔考滿遷處  
州通判棗強士民遮道泣留建祠以祀 萬曆府志

景暘字伯時儀真人少穎敏隨父官廣州布政劉大夏  
見其文異之中正德戊辰進士廷試第二授翰林編修  
劉瑾方橫凌轢儒臣薦紳喪氣見暘獨嚴憚暘亦不少  
降在經筵必先夕齋沐曰天顏咫尺不敢不敬也甲戌  
同考遷國子司業以母老乞南改中允南京國子司業  
禁諸生請託不悛者繩以法士習一變性孝友家庭藹  
然姊早寡迎與母俱視其子女無異已子友人張貢約

揚州府志

卷之二十九 人物

三

爲婚姻未幾貢死暘曰聘雖未行已心許之矣召其子  
妻之暘又有女以瞽廢其友潘準聞之曰不可使伯時  
女不字願字吾子人兩義之暘與鄉人蔣山卿趙鶴朱  
應登爲詩古文稱江北四子撰有前溪集若干卷 萬曆

府志

王大用字時行儀真人正德戊辰進士授工部主事管  
臨清閘時流賊剽掠趨清源大用與兵道督壯勇與戰  
賊解去轉刑部員外郎擢廣東兵備僉事會樂昌高快  
馬流劫湖南詔大用合兵討獲有功又清遠徭熾帥所  
部渡滙江旗坑諸塞獲其酋又攻黃籐峽黃花洞諸巢



獲賊都督凡督征五載巡撫蕭翀疏其才陞本省兵備副使尋陞江西叅政遷廣東右布政未幾推都御史巡撫順天又改巡撫大同至則破巨盜劉善斬之傳首京師初與按臣張祿爭禮不合祿嗾給事秦鰲論之大用上疏乞休不允仍以整飭薊州兵備兼巡撫順天值歲大饑奏給銀米數萬循行賑濟時朶顏三衛詐貢大用單騎入城調兵扼險伏所部爲左右翼犄之朶顏謀洩宵遁復諭其酋長令獻黑谷關地暨太平塞五百餘里與飲盟去陞右都御史入掌院事張祿復論大用生事搆怨坐免後以霍韜薦復命巡撫四川陞南京刑部右

揚州府志

卷之二十九 人物

三

侍郎候代間會白草番變攻破平番堡坐還籍候勘乃致仕卒所著有書經指畧四書道一編易經安玩錄及聖學一貫圖說

儀徵舊志

俞敦字崇禮江都人正德辛未進士改庶吉士授刑科給事中敦在諫垣首劾遼蜀撫臣及諸藩守臣不職者時江彬潛圖不軌朝臣無敢言敦獨疏陳其逆狀不報戊寅命勘河南總兵張璠等不法事敦執法按罪踰月獄成上特賜銀牌旌之一時權倖如錢寧輩憚敦名求與納交皆峻拒之遷禮科右給事中世宗卽位敦首疏四事曰去壅蔽親儒臣立紀綱惜名器上嘉納後奉詔



使安南賜麒麟服進都給事中出知廣西梧州府卒

萬曆府志

徐晉字文明江都人正德辛未進士歷任南京兵部車駕郎中大璫劉瑾怙勢晉繩之以法宸濠叛南都震恐大司馬喬宇參贊機務知晉才悉以軍事委之晉選將調士修備器械增置船艘晝夜不怠及武宗駐蹕南都供億旁午晉從容取辦有言宜賄江彬者不聽人爲晉危而卒無患陞青州知府以勞致疾易箒時同官憫其貧請入公堂羨鍰若干營後事晉謝曰吾恨不能如前輩馬伯瞻清風高節敢至死變其守乎拒不受

嘉靖惟

揚州府志

卷之二十九

人物

三

揚志

王紀字理卿泰州人正德辛未進士授江西進賢知縣時洞蠻姚源古恣殺掠爲害甚劇紀身抵其穴討平之在邑三年滯獄苛征清革殆盡進南京工科給事中首疏建皇儲謹大祀及邊防時務疏凡十餘上宸濠之叛畢太監謀內應紀與大司馬喬宇策縛之武廟南巡紀屢疏請還後爲言者所中謫浙江嘉善縣丞陞武城知縣會淳沱河決捍治有功擢高唐知州以憂去起補河間未幾擢陝西僉事以賑饑積勞卒於官至今廟祀高

唐

萬曆府志



儲洵字平甫泰州人正德辛未進士官兵部郎中左遷  
沔陽守歲饑積逋賦所司督責洵下令悉停止民賴以  
安郡多水患請修隄防言甚剴切遷台州同知陞福建  
漳南僉事漳舊多盜洵設條約督捕撲滅幾盡致仕歸  
博採建文諸臣編輯革除錄及卒門人私謚文貞子  
秦

州舊志

蔣山卿字子雲儀真人正德甲戌進士授工部主事以  
諫南巡被杖謫南京前府都事嘉靖改元復官歷刑部  
郎中出知河南府改潯州再改南寧時討思田土官岑  
猛山卿調度軍餉以功進廣西叅政總督林富重其才

揚州府志

卷之二十九

人物

三

方擬薦擢坐讒言罷在南寧入覲上言思龍立縣不宜  
割屬田州導使攜貳移思恩而建府治於荒田尤爲失  
策又言兩廣總兵率用侯伯彼皆純袴子弟營求出鎮  
朘削無厭宜選謀勇將臣充其任又言廣西夷多民少  
右江如柳慶諸州縣左江如桂林平樂諸州縣皆城池  
圯塞千里荒涼徭賊得以出沒其間宜行撫按閱視修  
築城池繕道途置傳舍爲一勞永逸之計其經畧大槩  
如此旣罷歸以詩酒藝文自適所著有南泠休園等集

萬曆府志

樓觀字國光江都人正德丁丑進士授刑部主事陞員



外郎中出守興化政尚寬惠然吏無敢爲奸仙遊苦海  
寇觀鑿石築城民賴以安每行縣自庀厨傳不擾下邑  
陞湖廣副使致仕橐中惟圖書數卷觀之先出嗣葉氏  
至子懋中嘉靖壬戌進士官刑部始疏復樓姓

萬曆府志

高遷字升之銓從子正德辛巳進士授寧波府推官攝  
郡事會日本貢使構亂遷討平之陞戶部員外郎督糧  
通州值邊警歲漕四百萬石無缺陞郎中尋知順德府  
時車駕幸承天道出順德遷抵任甫及旬供帳立辦城  
沙河工竣陞河南按察司副使會河決睢州野雞岡奉  
勅治之遷爲鑿孫繼口塞河二百二十五里以疏橫流

揚州府志

卷之二十九

人物

三

復扈運口九十里上遣兵部侍郎王以旂視其役薦遷  
勞績第一明年益發民濬三河未深者漕運賴之詔增  
俸一級百姓肖像祀焉著有南兗州集順德府志

萬曆

江都志

李樹敏江都人以選貢授嘉善丞修築海隄著有勞績  
再補安福丞時值均田敏自治食具出入阡陌不以煩  
民除夕有饋豚蹄者家人受之業就鼎令挈還之其清  
介類此卒於官士民皆垂涕祀名宦

萬曆府志

李應暘字子新江都人爲諸生工古文辭名噪輦下公  
卿貴人爭致之應暘以親老托疾歸後以歲薦授臨邑



訓導再遷懷慶教授時與國吳國倫爲參藩特器重之  
陞南雄推官權梅嶺滄泚兩稅歲課巨萬不私一錢兩  
臺及郡守共歎羨焉以疾乞致仕卒

萬曆江都志

王大化字元成正德癸酉領南畿解額登進士授高唐  
知州州人競武大化至則首謁文廟修學宮與諸生講  
藝暇則問風俗省賦斂勸農桑察冤獄招集逋亡鋤剔  
強暴州用大治擢嘉興府同知去之日萬民遮道泣建  
祠以祀擢工部員外郎奉勅分理漕渠尋遷刑部郎中  
決獄執法不徇請託忌者中之遂外補平定知州歎曰  
直道之不見容至此今吾親老豈長能僕僕簿書間哉

揚州府志

卷之二十九

人物

三十五

致仕歸後議起用竟以疾卒著有高唐志北湄詩集續  
史詳節數十卷

儀徵舊志

方岑字高伯江都人嘉靖丙戌進士授大理寺評事陞  
南京左寺正出知杭州府先是海寧縣令某於巡按御  
史爲肺腑親引用巨猾六七人恣營奸利聞民怨乃逮  
六七人者下獄夜使人殺之以滅口事發憲臣下岑按  
驗得實庭笞逐之岑亦竟爲御史陰中罷免岑爲文宏  
博出入左氏韓非劉向諸家詩宗初唐風骨不衰著有

竹素齋集

萬曆府志

蔣應奎字文煥先世江都人以永樂初戍大同遂家大



同嘉靖乙酉舉山西鄉試丙戌成進士授工部主事分  
司呂梁陞郎中改營繕司董九廟慈慶慈寧諸大工告  
成賜銀幣陞大僕少卿久之陞應天府尹時鎮田萬畝  
荒弗治稅悉徵之里人應奎親往勘爲出金築堤召民  
開墾成腴田以免里人困累至今便之陞都察院右副  
都御史巡撫遼東請發內帑築邊牆二百餘里僅四月  
工竣省費萬計陞兵部右侍郎協理京營戎政致仕歸  
江都行李蕭然性嗜學手不釋卷語天下事歷歷如指  
掌清修鯁介其天性也

萬曆府志

曾銑字子重江都人嘉靖己丑進士初知長樂縣擢御

揚州府志

卷之二十九

人物

美

史巡按遼東遼陽兵辱撫臣呂經爲亂銑急檄副總兵  
罷經苛急事爲亂軍乞赦而捕獲首惡數十人請急誅  
斬懸首諸城全遼大定擢大理寺丞遷左僉都御史巡  
撫山東俺答數入內地銑請築臨清外城工畢進副都  
御史居三年改撫山西經歲寇不犯邊進兵部侍郎二  
十五年夏總督陝西三邊軍務寇十萬餘騎由寧塞營  
入大涼延安慶陽銑遣叅將李珍搗寇巢穴斬首百餘  
級寇大懼遁去時套寇牧近塞居民不敢樵採銑率諸  
軍驅之遠徙詔增銑俸賜銀幣有加銑念寇居河套久  
爲中國患上疏請以銳卒六萬鎗手二千每歲春夏交



攜五十日餉水陸交進直搗其巢爲一勞永逸之策條  
八議以進是時銑欲西自定邊營東至黃甫川一千五  
百里築邊墻請帑金數十萬期三年畢功詔曰銑倡恢  
復議甚壯其令銑與諸鎮臣悉心上方畧予修邊費二  
十萬銑乃益銳合諸臣條上方畧十八事已又獻營陣  
八圖并優旨下廷議輔臣夏言欲倚以成大功主之甚  
力嚴嵩與言有隙欲借事傾言乃極言套不可復詆言  
以激帝怒旋復顯攻言謂向擬旨褒銑臣皆不與聞兵  
部尚書王以旂會廷臣覆奏遂盡反前說言套不可復  
帝乃遣官逮銑無意殺之也會咸寧侯仇鸞鎮甘肅以

揚州府志

卷之二十九 人物

三

驕恣爲銑所劾逮嵩故雅親鸞乃代鸞獄中草疏誣銑  
掩敗不奏剋軍餉鉅萬遣子淳屬所親賂當途其言絕  
無左驗乃竟擬斬卽日行刑銑旣沒家無餘貲隆慶初  
給事中章自修御史王好問訟銑寃詔贈兵部尚書諡  
襄愍賜祭葬廕子汴判應天孫之省判湖州府

本傳

徐子麟字瑞卿其先自甘州徙江都子麟以太學高等  
補貴州都司經歷移雲南委理五井鹽課爲前官補負  
課千餘緡前官卒又倒橐助其喪還陞澉江通判晉烏  
撒同知會苗兵亂諭以大義諸苗帖服無何被讒論罷  
子麟欣然曰麟待罪邊徼二十年今得生還幸矣歸築



一草閣琴書自娛竟以貧死

萬曆江都志

林春字子仁泰州人少孤好學聞王良講學慨然師之為文不事奇博而發揮自得嘉靖壬辰會試第一授戶部主事調禮部又遷吏部文選員外以母病乞歸養家居三載未嘗干州郡有饋遺非禮者却弗受歲入不贍而好賙予與鄉人處恂恂類布衣尤樂與人為善再起補稽勲調文選郎中州守黷而虐春言於尚書黜之赴都時泊舟淮干淮守供帳甚薄後入覲註下考春獨言其廉得免人皆多之尋遘疾卒有東城文集

參嘉靖萬

曆府志

揚州府志

卷之二十九

人物

三

桑喬字子木江都人嘉靖十一年進士由主事改御史出按山西所部頻寇躡喬奏請盡蠲徭賦厚贖死者家叅將葉宗等將萬人陷賊伏中大潰賊遂深入天城陽和兩月間五遭寇巡撫樊繼祖總兵官魯綱以下皆為喬劾副將李懋及宗等六人並逮治十六年夏雷震謹身殿下詔求言喬偕同官陳三事未言陛下遇災而懼下詔修省修省不外人事人事無過擇官尚書嚴嵩及林廷楫張瓚張雲皆上負國恩下乖輿望災變之來由彼所致疏奏四人皆乞罷詔廷楫雲致仕留嵩瓚如故嵩再疏辯且詆言者給事中胡汝霖言嵩負穢行召物



議逞辭奏辯陰擠言官無大臣體帝下詔飭嵩如汝霖指時嵩甫拜尚書方養交遊揚聲譽舉朝未知其奸喬首發之後咸服喬先見喬尋巡撫畿輔引疾都御史王廷相以規避劾之嵩因構其罪逮下詔獄廷杖戍九江居戍所二十六年卒隆慶初贈卹如制

本傳

萬曆志云喬戍九江念母老治廬迎養母後歸江都喬獨居一室惟一僕供掃除汲爨而已生平嗜易占得其微奧所著有廬山記真詮詩文若干卷

張旦字子明寶應人嘉靖十四年進士授中書舍人擢戶部員外郎遷郎中督餉大同會邊兵以餉匱鼓噪將揚州府志

卷之二十九 人物

完

爲變旦爲疏請語甚懇摯詔戶部卽給一月糧更額外加芻豆軍士帖然歸伍帝嘉其能賜白金綵綺故事去任時支銀千兩號無碍銀旦獨不受數轉至四川叅政以憂歸旦爲人淡泊自守不肯干進大學士嚴嵩柄政旦爲其所取士不與通以故歷三十年不得致華要且遠走瘴癘之鄉家居淳謹偕所善集湖村栩栩自得不一涉外事旣卒子孫貧甚

寶應舊志

沈良才字德夫泰州人嘉靖乙未進士改庶吉士授兵科給事中等轉工科左給事中時盧綱孫存互訐奏良才勘問伸存而抑綱一切株連皆得釋綱卒正典刑陞



吏科給事中嚴嵩甫入閣良才疏列其奸不報陞南京大理寺右寺丞尋進左少卿以僉都御史巡撫湖廣陞兵部右侍郎倭寇南訖議遣大臣討之嵩憾其嘗議已奏遣良才毅然請往會已命有人不果行丁巳自陳嵩誣以他事罷免初良才爲諸生時富民劉欽請賑諸生之賢者良才獨卻之御史李東嘉其節爲備禮冠婚卽以是年舉於鄉

萬曆府志

曹守貞字子一江都人嘉靖戊戌進士知遂昌縣邑苦採礦役守貞條上其害遂得罷庚子入覲同官傾之左遷晉州判攝趙州移知曲周縣皆有惠政陞工部營繕

揚州府志

卷之二十九

人物

三

司主事權荊州關稅時遼庶人恣暴於荆守貞不爲撓遷員外郎陞尚寶寺丞典司者嚴世蕃與議多不合謫山東轉運判官久之擢南京戶部郎中有頃京營訛言欲裁粟布軍士大鬩尚書患之問守貞守貞移牒諸將士擇時日覈軍稽詐冒給糧布諸軍士相顧愕曰何傳之謬耶事遂寢出爲平樂知府錄囚多從未減尋乞休歸閉戶讀書不預外事所著有畸侔軒稿

萬曆府志

崔繩字淳甫江都人嘉靖癸卯舉於鄉授清苑教諭陞靈壽知縣邑小民悍令多不滿任或調或罷去繩凡再考最民甚德之擢倅山東萊州府乞歸故廬庠陋茹蔬



飯糲翛然自適郡邑大吏多敬事之卒年八十七尚書  
劉光濟志其墓 萬曆府志

楊守誠字惟一江都人嘉靖丙午舉於鄉授南樂知縣  
遷河間府判再遷益府審理所至有能聲致仕歸里與  
副使何城力請於太守吳桂芳築揚州新城並瓜洲城  
以禦倭寇至今賴之所著有防秋紀行稿屯鹽總議諸  
書 康熙府志

朱曰藩字子价寶應人應登子幼博學攻詩父友李夢  
陽顧璘見之稱賞不已舉嘉靖甲辰進士知烏程縣宿  
蠹積害爬梳靡遺大司空劉麟免歸結社峴山曰藩往  
揚州府志 卷之二十九 人物 三

從之遊幅巾布衣壺觴嘯詠人不知其爲邑宰也歷南  
京刑兵二部主事轉禮部主客郎中留都事簡閉戶讀  
書詞翰傾動海內居三年出知九江府新濂溪書院以  
館諸生二百餘人修飭廢毀倡舉風化民甚德之辛酉  
景王之國曰藩病憊猶從卧榻上調度以勞卒於官囊  
無餘貲所著有山帶閣集三十卷爲詩取材文選出入  
六朝錢謙益尤深許之 參萬曆府志寶應縣志

李春芳字子實興化人嘉靖丁未進士殿試第一除修  
撰擢翰林學士累遷太常少卿拜禮吏二部侍郎爲禮  
部尚書時宗室蕃衍歲祿苦不繼春芳考故事爲書上



之諸吉凶大禮及歲時給賜皆嚴爲之制帝嘉之賜名宗藩條例尋加太子太保命兼武英殿大學士嘉靖末與大學士徐階同受顧命穆宗新政誅左道錄言官時有旨重建鳳翔樓春芳言土木之費終先皇世海內騷動今朝政聿新宜與百姓更始而復興役勞民天下謂何上改容謝之又奏罷太常羨金及織造歲幣牙簞珍異皆報可隆慶戊辰主會試稱得人有科道官言事侵中貴中貴泣懇上前上怒不測春芳婉爲解言者得無罪邊鎮諸臣多喜事春芳請建戍臺而已俺答以孫闖邊被擒求入貢冀釋其孫朝論二三春芳與高拱張居

揚州府志

卷之二十九

人物

三

正共贊成之議乃定故北鄙數十年無邊警春芳之力爲多已進柱國少師以父母老乞致仕歸養章七上始得請明年上命禮部郎存問於家年七十五卒贈太師

諡文定

參本傳興化縣志

宗臣字子相興化人嘉靖庚戌進士授刑部主事調吏部考功司主事上疏乞養病歸起補稽勲員外郎會楊繼盛論劾嚴嵩以寃死臣率同舍郎解袍覆其尸爲文哭之嵩慚恨出臣福建叅議戊午夏倭犯福州城中戒嚴撫臣阮鶚被逮三司共議城守令臣監西門先是有司悉部勒諸父老子弟守埤臣至悉罷其老弱疾病者



簡壯士嚴守會報寇至六門咸閉城外數萬人呼求入城臣開西門坐詰而入之復檄召城外百里所蓄薪穀悉徙之城中不徙者縱火焚之壯夫不肩薪穀者不得入於是城中薪穀日以萬計時有議毀城上屋以便擊賊臣力止不毀寇攻西門臣多製火藥中之相戒不敢犯西門未幾賊寇興化其先寇鎮東者尚屯海上適臣所部兵二千人自他郡入援合撫臣兵數千要擊之斬獲殆盡沉賊船數十於海中是歲八月泰寧報粵寇急臣卽檄延邵諸郡縣兵夾勦而身與數騎馳赴之四面設伏遏其衝突賊由歸化走粵臣督數百騎徑趨白蓮

揚州府志

卷之二十九

人物

三

賊逼永安又蹴之永安擒斬數十人追至百里外是役也犯霜露冒戈戟算無遺策爲巡撫所倚重陞按察司副使提督閩學以勞瘁得疾卒於官臣才高氣雄爲郎時與濟南李攀龍太倉王世貞長興徐中行南海梁有譽武昌吳國倫臨清謝榛稱中原七子有詩文集十五

卷

萬曆府志

張膽字惟慎高郵人經之子嘉靖丙辰進士爲監察御史前後六年務持大體不事搏擊聲望自著巡京通倉劾錦衣督運官貪暴不職者巨璫爲請拒弗聽又疏奏馬政五事戎政六事及杜吏姦廣積儲所論皆根極利



害初按貴陽時送嫡母尤歸里母塗中疾故扶觀渡淮  
值風大作鄰舟多溺膽撫棺痛哭顙天頃刻波平人以  
爲孝感奉命查剔南京畿道文案卒於官著有尚書管  
見若干卷

高郵舊志

李承式字敬甫先世自大同遷江都嘉靖丙辰成進士  
初任錢塘知縣以執法忤鹺使者調溪澤除奸吏稱神  
明擢兵部主事上封事八條皆報可尋備兵榆林法令  
嚴整壁壘一新陞陝西布政使病辭歸會倭犯朝鮮以  
承式有邊才召用多立軍功陞福建左布政使尋致仕  
惟汙萊數頃以供饋粥築室湖上扁舟往來足不履城

揚州府志

卷之二十九

人物

三

市卒祀鄉賢

康熙府志

顧廷對字子俞泰州人嘉靖己未進士授平湖知縣減  
驛馬復塘長酌開河事宜一時稱便擢監察御史多所  
建白不避豪貴先是宣德時以宣城逼山多虎傷馬暫  
令泰州寄牧馬千六百五十匹久爲民害弘治間儲燿  
爲太僕奏蠲馬八百匹及廷對視馬政奏蠲種馬之半  
鄉人德之後巡按江西卒於官

萬曆府志

張守中字裕齋縉之子高郵人嘉靖壬戌進士授工部  
主事奉命造重城再修京庾督工永陵賜金幣改虞衡  
司郎中分署遵化鐵冶墾田數百畝教以桔槔歲得穀



數百斛以給治人又城白冶以防邊上嘉獎之陞浙江按察司副使飭兵溫台時海上戍卒數月不得糧衆洶洶守中至盡給之島夷曠賊不時竊發守中計擒其魁巡按御史以不卽上功效之調官貴陽丹平苗夷叛守中率諸路兵張左右翼攻之斬獲無算巢穴蕩平督撫上功第一代督者爲讒所構中以他事當再調守中曰吾已投荒萬里猶不理人口耶遂投劾歸咸爲扼腕上嘉丹平功賜金幣於家屢薦不起

高郵舊志

袁應祺字肖海興化人萬曆甲戌進士任戶部主事先是興邑糧三萬石有奇以鄰邑奸民誣訐欺隱溪湖港

揚州府志

卷之二十九 人物

三五

蕩咸視田稅增糧至二萬石知縣歐陽東鳳重憫民困抗疏叩閭應祺在部昌言於朝力請大司農乞如東鳳奏得改折銀一萬兩民以稍蘇擢昌平道未任卒於京邑人至今德之立祠祀焉

興化舊志

李植字汝培江都人承式之子萬曆丁丑進士改庶吉士授監察御史十年冬張居正卒馮保猶用事植發保十二大罪帝震怒罪保明年巡按畿輔請寬居正所定百官乘驛之禁從之擢太僕寺少卿廷臣忌植適帝欲卜壽宮於大峪山植謂其地未善御史柯挺自言習葬法力稱大峪之美給事中王敬民等又迭疏攻植遂貶



綏德知州引疾歸居十年起沅州知州累官右僉都御史巡撫遼東墾積土得田四萬畝歲獲糧萬石戶部推其法於九邊又奏稅監高淮貪暴請召還不報後乞休家居卒贈兵部右侍郎

本傳

朱希禹字砥中江都人萬曆間以貢入太學授新昌令民桀驁難治希禹不事鞭笞一以至誠化民踰年民大悅服以勞瘁致疾不起卒之日邑人罷市比喪歸擁輻送者幾萬人

萬曆府志

張肖孫字克甫江都人祖鎧嘉靖間江淮饑輸粟千石助賑詔旌以官肖孫萬曆丙子舉於鄉初令上猶再宰

揚州府志

卷之二十九 人物

三

南平俱疲邑難治而能化其刁悍以循良稱官至長沙郡守

康熙府志

章潤字實甫江都人萬曆丁丑進士授浙江安吉知州州故穠瘠民悍難治潤廉敏通達因俗而導民以帖服陞刑部員外郎著律例贅言若干卷陞江西瑞州知府會歲饑盜起潤擒捕其渠餘悉逃竄境內以安陞四川按察副使備兵潘松甫至幕下騎士謀作亂潤廉得其主名陰授方畧擒斬之陞廣東右叅政卒於官

萬曆府志

閻士選字立吾江都人年十二能文章學臣耿定向拔置第一命隨試十四郡皆冠軍成萬曆庚辰進士仕蘄



水令以不附張居正扼抑十年始擢刑部主事多所平反陞登萊道備兵雁門巨寇柳廷瓚倡亂以計平之晉山西右布政使以勞瘁卒官

江都縣志

馬一駿字強吾江都人以選貢授安縣令初至以前宰闕茸吏侵庫帑逾萬株連追取邑無完家一駿惻然憫之會臺司察其能委運松潘例有羨費駿曰是可藉手矣盟諸神以羨金補庫三年而侵帑報完株連悉免以卓異薦陞河曲知州安人祀之名宦

康熙府志

宋應圖字羲龍高郵人嘉靖乙酉舉於鄉謁選授招遠令清介自守無滯牘無冤獄退則侍母前甘脆承歡他

揚州府志

卷之二十九

人物

三

不計也五年報績馳封應圖曰吾榮親之願酬矣卽掛冠歸優游林壑無疾焚香而逝

康熙府志

邱覺民字莘野高郵人太學生授常山縣丞敦樸無偽介而不苛令缺署篆一載以剩夫銀千八百兩請糴粟賑饑存活萬餘人課鹽例有羨入覺民盡蠲之當事廉其賢薦陞王府紀善邑人祀之名宦

康熙府志

盛稔字伯豐儀真人萬曆丙戌進士爲戶部主事權濬關以廉覈歷遷正郎出知山西平陽府時站銀編額三十六屬率多匱屈稔查庫積七萬八千餘金蠲代之以蘇民困三藩祿羨約數千金皆不納但識原封發之巡



按以其事聞得特旨紀錄擢東萊兵備道值倭寇山左  
稔爲備甚嚴蓄硝黃萬餘石倭平遷井陘叅政嚴勾稽  
增堡壘內控三關外禦九塞紓神京左臂憂有同年隸  
屬者怨請囑不遂構讒陷之例改調稔遂歸後褒前勩  
賜金綺於家復起用終堅卧不出惟杜門著書而已旣  
歿二十餘年有寇攻東萊甚急賴稔所儲火藥退之奉  
旨追叙入萊郡名宦季子自今以諸生應例授河南修  
武縣丞張伯鯨督師武昌延入幕府叅贊遇賊難死義  
儀徵縣志

蕭灼如字茹一江都人由選貢授廣東潮州通判職司  
揚州府志

卷之二十九

人物

三

糧民多逋賦灼如盡爲請免歲饑捐賑存活甚衆巡按  
周應期知其才所至以灼如從有疑難詢之立剖潮關  
有稅亦命代理灼如設厓中庭令自投不問羨餘巡按  
益重之將疏薦會灼如以積勞得疾告休卒祀鄉賢

康熙府志

康

李思誠字次卿興化人少師春芳孫萬曆戊戌進士改  
庶吉士授編修出爲福建屯鹽道時權璫高竊橫暴激  
民變思誠挺身諭衆亂乃定遷浙江溫處道以計擒海  
中劇賊百餘人有武弁欲叙軍功陞叅戎納千金海錯  
中立麾却之陞江西按察使劉忠烈縋以死封疆功應



世襲縉子吉幼其弟行金直指謀以子代襲思誠力持不可以去就爭卒予吉進浙江右布政使尋內召累官至禮部尚書加太子太保逆璫魏忠賢方用事工部尚書崔呈秀其腹心黨也先是建三殿忠賢出省工思誠不與言殿成設宴又用舊制不列忠賢座忠賢大慚恨會有懷來兵備邱志充者以三千金屬呈秀謀轉京卿跡露下東廠忠賢掌東廠欲爲呈秀解脫而方怨思誠卽移其贓於思誠而命許顯純雜治之顯純故駙馬子家富初信王擇妃周后與顯純女俱在選顯純行賄內外事幾就思誠以故事無戚里重姻者力請冊周后顯

揚州府志

卷之二十九

人物

三

純銜之至是希忠賢旨鍛鍊成獄忠賢矯旨奪職追贓中外寃之崇徵初御史吳尚默等交章奏雪未幾卒著有真懶齋集

興化舊志

黃建中字良甫興化人萬曆戊戌進士授南陽府推官甫下車立置一獐掾於法姦吏震懼屬令密餽金杖其使令卽解綬去以艱歸服闋補金華署府事籍羨餘千金貯之庫代者至以金還建中固拒之留爲公費擢南戶科給事中疏湖州利弊五條上之得旨著爲令復革汰湖役餼資節省繕修諸費積四萬餘金歸於朝未幾攝兵科尋攝六科有御史致千金於建中家聞之馳書



戒其子令勉爲清白吏子孫趣還之在垣知無不言經畧熊廷弼有邊才中朝黨人以其不附已羣擠之建中抗疏言廷弼才可任羣臣不得以私鬪悞國事由是怨者甚衆以內計誣罷後起大理評事轉禮部主事未至官卒所著有留垣諫草

興化舊志

劉永澄字靜之寶應人年八歲讀文丞相天祥正氣歌設位晨夕拜登萬曆辛丑進士改順天教授遷國子監學正雖官間曹日討論累朝典章名臣言行凡六曹九邊職事掌故形勢阨塞迨兵馬錢穀之數皆得其要領與顧憲成高攀龍劉宗周文震孟友善座主李廷機爲

揚州府志

卷之二十九

人物

卑

禮部尚書奉詔條弭災數事永澄規以開言路語甚切直大學士沈鯉數諮時事永澄引狄仁傑處張昌宗張九齡處李林甫故事權奸聞而惡之時督漕侍郎李三才雖與東林諸正人親善然性豪侈供帳陳設甚盛聞永澄至盡撤之其見憚如此陞兵部職方司主事未任卒震孟爲之狀攀龍誌其墓宗周著淮南賦弔之

叅家

傳縣志

鄭茂華字實符江都人萬曆甲辰進士由部郎出爲浙江按察副使時溫處多寇茂華至皆望風遜進廣西布政使廉潔不侵一緡時靖藩爭立三司慮變茂華諭以



大義立解天啓間魏璫煽虐所在立生祠惟廣西不應其強項如此崇徵初舉卓異召對平臺稱旨陞副都御史巡撫廣西有土司陰謀起釁茂華指授方畧殲其渠魁諸桀驁者咸遵約束考績晉通議大夫御書天下清官於屏尋命擢兩廣總督以病乞休溫詔慰留者再歸里杜門未嘗營田宅卒贈正議大夫兵部侍郎廣西祀名宦

江都縣志

史啟元字蓋卿江都邵伯人萬曆甲辰進士授南戶部督淮閘稅尋移南吏部天啟初擢湖廣按察副使備兵衡永會岷藩有變中使往勘羣宗譁甚啟元至數語折

揚州府志

卷之二十九 人物

聖

服遂定岷封粵寇闌入楚境啟元於廣贛孔道設木蘭臘嶺二關募兵守之賊不得奔逸殲其渠魁脅從解散境內獲安被病乞休歸卧林下嗜書法臨池不輟卒祀

鄉賢

康熙府志

馬呈秀字君實其先大同人隨父業鹽筴籍江都呈秀早孤嗜學登萬曆甲辰進士未拜官卽疏請終養服除官大理寺評事凡奏疏諸牘援引經傳同列悚服出知延安猗賊入禁親督兵捕擊擒其渠魁治延五年收復流民萬戶墾荒田數萬畝入其租爲民充逋賦尚書趙彥稱之陞福建按察使副使擒礦盜有功祀福建名宦



魏應嘉字賓吾興化人萬曆甲辰進士由汝南府推官擢兵科給事中抗疏請立東宮著有丰采以劾經畧熊廷弼落職後廷弼逮復其官累遷至兵部左侍郎尋罷歸里居三十年著述甚富歲饑詣兩臺爲鄉人請命質寇帔剔帶金市粟以賑預自刻期沐浴具衣冠端坐而

卒

參郡縣志

王繼美字元玉興化人萬曆甲辰進士知福建順昌縣縣居劍州上游山水暴發漂民舍動至數千家繼美多造舟募善水者救援無算以忤巡按罷歸久之補江西

揚州府志

卷之二十九

人物

望

貴溪縣又以失撫臣指謫松江府學教授進南雍助教陞刑部主事轉戶部郎中總理密雲糧餉時遼初失守人心震驚多不敢進繼美朝聞命夕戒途至密建議謂海內困於加派宜省冗濫清侵冒以寬民力按籍稽核剔逃亡得清省銀米二十餘萬并掃除銀三千兩歸諸朝前後受事者畏其軋已壅不上聞繼美抗言於部大司農爲之失色京師稱鏡郎中云科臣解學龍疏稱繼美視國如家宜優擢爲賢者勸超授山東布政司叅議備兵兗東東齊久經白蓮賊蹂躪繼美念捕者以斬級爲功率多無辜檄郡縣吏殲渠魁其脅從悉原之與大



吏主勦議不合疏調簡繼美自以通籍久不得行其志

徑拂衣歸卒於家

康熙府志

朱家民字同人江都人以祖戍滇南遂家曲靖萬曆丙午舉雲南鄉試爲涪州知州天啟二年官貴陽知府安邦彥反圍貴陽家民乞援兵解其圍撫傷殘招流移寬徭賦遠邇悅服丁父憂奪情擢安普監軍副使加右叅政崇徵時就遷按察使左布政以平寇功加俸一級久之致仕卒於家自邦彥始亂雲貴諸土酋盡反攻陷安南等十六衛雲南路斷其後路雖通羣苗猶出沒爲患家民率叅將許成名等討平盤江外阿野魯頗諸塞於

揚州府志

卷之二十九

人物

聖

是相度盤江西坡板橋溲子馬場諸要害築石城五宿兵以衛居民帝嘉其績皆錫以名家民又於其間築城六廨舍廬井畢備羣苗惕息道途晏然盤江居雲貴交兩崖壁立水深無底廣三十餘丈家民仿瀾滄橋制置鐵索鐵柱橫木爲橋建鼓樓築月城以護之遂爲永利

本傳

康熙志云家民知涪州舉卓異轉潮州再移真定舉邊才擢貴陽守爲按察時讞獄多從末減囹圄皆空進左布政節省帑銀六萬兩築十一城修山路千餘里崇徵庚辰入覲賜金帛叙功推宣大巡撫以老乞



休子潮遠官漳州都督

王納諫字聖俞江都人萬曆癸卯鄉試第一丁未成進士授行人出使榮藩辭樂郤餽榮世子敬禮之以疾假歸家居二載吏部司官缺人爭營之尚書某曰吾知有下帷著書不干進者王君可任也起爲吏部主事力疾赴召五閱月歷四司疾益甚復請告歸里匝月而逝所著有四書翼註

江都縣志

賈先春字汝後高郵人萬曆丁未進士授山東德平知縣時苦旱蝗流民載道先春招集流亡墾闢荒土民賴以安折獄平允久之囹圄空虛調繁秀水按臣奏仍留

揚州府志

卷之二十九

人物

器

德平民如慶更生考滿授試御史與左光斗楊漣繆昌期相友善舊制內批奏准有不宜行事輒令科臣封駁時久革不行春上疏請復封駁并疏請禁宦官不許識字一依洪武故事無何病沒楊左諸公爲之殯得扶櫬歸里

高郵州志

李茂英字君秀寶應人萬曆辛亥進士授分宜知縣調清江邑大水自贛江達渝水決百餘里民不得耕茂英發常平粟賑之又請減田租民猶饑甚數鼓譟諸大姓將爲變茂英懇諭富人出粟貸饑者俟歲熟官爲責償民始定富人獲全遷順德同知歷刑部郎中嘗恤刑漸



江平恕多所全活有以賄求未減者不許擢通政司右  
叅議轉右通政會魏忠賢害諸正人遂疏乞骸骨歸  
應縣志

寶

吳牲字鹿友興化人萬曆癸丑進士除邵武令有清正  
名司理周順昌稱之舉卓異第一調繁晉江丁外艱已  
未補維縣時責登萊諸郡縣海運米豆牲調度有方民  
無所苦尋大荒民死亡過半爲撫綏之不一一年復其舊  
壬戌擢山西道御史巡視節慎庫劾尚書姚思仁不應  
以修園陵開例鬻官又疏請視學薦鄒元標馮從吾文  
震孟丁卯以忤璫革職時璫輯三朝要典欲文致牲死

揚州府志

卷之二十九

人物

聖

罪會熹宗崩乃止莊烈帝立起補山東道御史請定媚  
璫諸奸罪案已巳出按河南糾貪吏疏捐加派誅大盜  
吳思慎等庚午奉勅賑撫延綏饑民又奉命按陝極言  
招撫大誤甲戌陞山西巡撫賊首活地草鄉里人顯道  
神等以次撲滅上遣內員督開礦稅間架并力諫止特  
糾御史孫振大貪革職壬午入閣辦事救黃道周復其  
官上廷杖姜採熊開元及處劉宗周并爲疏救癸未詔  
督師湖廣討賊牲受命以待唐通兵遲行忤上意致仕  
無何武昌破上震怒逮至京擬戍金齒鼎革後閉戶著  
書卒於家

鄒漪野乘



本傳云牲巡撫山西歷陳防禦邊寇練兵恤民四難及議兵議將議餉議用人四事每歲暮扼河防秦豫賊連三歲無一賊潛渡以間修築邊牆大盜賀宗漢劉浩然高許皆前巡撫戴君恩所撫擁衆自恣牲陽爲撫慰而密令叅將虎大威劉光祚等圖之以次皆被殲牲行軍樹二白旗脅從及老弱婦女跪其下卽免死全活甚衆在晉四年軍民戴若慈母

解學龍字石帆興化人萬曆癸丑進士歷金華東昌二府推官天啟二年擢刑科給事中遼東難民多渡海聚登州招練副使劉國縉請帑金十萬賑之多所乾沒學

揚州府志

卷之二十九 人物

吳

龍三疏發其弊國縉遂獲譴王紀忤忠賢削籍學龍言紀亮節弘猷宜召寘廊廟失忠賢意不報已劾川貴舊總督張我續貪淫漏網新總督楊述中縮朒卸責帝不罪又言兵餉日多宜度文武職官冗者汰之歲可得餉數十萬裁冗吏核曠卒衛所應襲子弟襲職而不給俸又可得數十萬京邊米民用其六官得其一莫如修屯政帝亟下所司而議竟中格五年御史智鋌劾學龍爲東林鷹犬遂削籍莊烈帝立起歷戶科都給事中以民貧盜起請大清吏治尋劾蘇撫王應豸尅餉激變又上足餉十六事帝皆採納再遷太僕卿五年改右僉都御



史巡撫江西四方盜賊蠡起江西獨無重兵學龍以爲  
言詔增置千人都昌萍鄉盜發並討平之封山妖賊張  
普薇等擁衆橫行合閩兵夾擊乃滅十二年擢南兵部  
右侍郎明年將解任遵例薦舉屬吏井及遷謫官黃道  
周帝怒詔下獄責其黨庇廷杖八十等竟坐遣戍福王  
立召爲禮部尚書時方治從賊之獄仿唐制以六等定  
罪而馬士英阮大鍼視賄爲出入案久不決學龍議定  
其罪每等若干人又有身留北京俟後定奪者與另存  
再議者備列姓氏乘士英注籍上之且請停刑遂獲俞  
允士英聞之怒大鍼暨其黨張捷楊維垣聲言欲劾學  
揚州府志

卷之二十九

人物

七

龍朱國弼張孫振等力詆之遂削籍學龍歸南都旋失  
未幾卒於家

本傳

張伯鯨字繩海江都人萬曆丙辰進士歷知會稽歸安  
鄞三縣崇徵初稍遷戶部主事出鎮延寧二鎮軍儲自  
黃甫川西抵寧夏千二百里不產五穀芻粟資內地賀  
蘭山東抵花馬池素沃野亦荒蕪甚伯鯨疏陳其狀爲  
通商賈轉菽粟又仿邊商市鹽意立官市法以招之軍  
民稱便盜起延綏伯鯨叅巡撫籌畫俘獲渠魁不沾泥  
遂擢兵備僉事又破斬賀思賢一座城金翅鵬等巡撫  
陳奇瑜上其功進右叅政及奇瑜遷總督遂擢伯鯨右



僉都御史代之伯鯨涖延綏久視民若子以拾遺論罷  
民大失望尋論功起用召爲兵部添設左侍郎攝尚書  
事以疾乞休南還福王立伯鯨家居不出

國朝順治二年大兵南下圍揚州與史可法分城固守城

破自經死

本傳

野乘云伯鯨爲鄞縣時鄞濱海故斥鹵地民貧多宦  
伯鯨下車躬自相度知鹵水入晦澮禾立槁乃教民  
築堰埭均蓄泄遂爲百世之利鄞俗主母刑婢妾輒  
加針於乳每數十櫛比伯鯨聞而痛治之習遂革鄉  
人有占人兆宅者特巡方御史爲援他守令或阿私

揚州府志

卷之二十九

人物

哭

伯鯨不可御史稱其惠而有義巡撫延綏密籌設伏  
殺西人無算敵喪胆終其任不敢窺邊乙酉之難倉  
卒身隕妻韓氏冢婦郝氏同及於難

姜士望字宗林儀真人幼以孝友聞兄里望有目肯出  
入常肩負之萬曆丙辰成進士授中書舍人爲相臣葉  
向高所知時兩廟覃恩凡誥軸餽遺皆却不受省中舊  
多藏書士望每搜羅編次之奉使冊德藩王以暑溽狃  
便裁禮士望力爭之秩滿當遷太宰左右有招致之者  
不往曰昔人恥爲呈身御史我豈爲私謁曹郎謝之歸  
養母喪服闋補稽勲司主事遷驗封謂人曰此要津實



羶途也吾懼甚遂引疾代者例有酬峻拒之是時大璫  
魏忠賢方張璫黨崔呈秀巡按淮南士望以部下曾不  
一逼門狀崔銜而搆之將中以禍卒不能返里清約端  
恪布袍蔬食無異諸生

儀徵縣志

倪啟祚字允昌江都人萬曆己未進士改庶吉士授編  
修同館姚希孟顧錫疇皆重之天啟間逆闖魏忠賢毒  
虐善類啟祚方在告聞之憤甚草疏論其奸狀會遘疾  
不果上旋卒

康熙府志

解學夔字章卿興化人天啟壬戌進士授福建沙縣知  
縣巡撫薦治行第一擢吏部主事陞文選司郎中銓選

揚州府志

卷之二十九 人物

冕

維公不受一錢一時名傾朝右後爲權要所中調大理  
寺右寺正恤刑浙江全活者甚衆時有夜餽白金數千  
兩求改重辟者堅却之報政歸圖書一橐而已崇徵四  
年河堤大決五年又決同御史吳甦合疏入告奉嚴旨  
重究河臣河堤因之鞏固三十年內七州縣百姓不爲  
魚者由此也歷陞廣東兵備副使勦海寇劉香老叙功  
晉二級以師中積勞成疾告病歸終於家祀沙縣名宦  
興化縣志

喬可聘字君徵寶應人天啟壬戌進士授中書舍人時  
魏忠賢勢方張卽請告終養崇徵改元補前官中書事



少日夜與劉宗周黃道周倪元璐馬世奇陳龍正諸人切劘問學吏部侍郎張捷嘗薦呂純如爲本部尚書帝以純如在逆案中不許給事中呂黃鐘遂薦捷爲之可聘乃上疏言逆案乃陛下所欽定百世不可改易臣聞道路之言羣小方輿金載寶欲翻此案今觀捷舉純如黃鐘卽舉捷則前言可驗矣羣小猶黨逆於溷濁之世而黃鐘獨黨逆於清明之朝捷罪浮於逆案諸人黃鐘又浮於捷不蚤折其萌大禍自此始矣疏上可聘聲望大著黃鐘迄外轉閣臣溫體仁頗畏忌可聘欲致其到門投一刺竟不肯往坐是滯留十年始考授監察御史

揚州府志

卷之二十九

人物

五

陳官守言責疏帝嘉勞焉巡按浙江士大夫下訖吏民俱相戒勿犯喬御史可聘外剛內和不尚刻礮詭激之行雖與東林人往還及臨事是非可否不肯雷同嘗出行舟阻水漲求緯夫不得蘭谿知縣盛王贊持手版立雨中大聲言民方耕令請代之可聘乘輿冒雨去人疑其怒而可聘卒薦之旣而可聘緣事降官遂謝病福王立仍起御史數言罷廠衛停燕飲君臣交儆以圖中興之治皆不省後又上疏論治兵亦不報

王師下江南可聘棄官歸終於家

汪琬喬御史傳

徐耀字蓼莪泰州人崇徵戊辰進士知龍溪縣收海寇



劉香老功著八閩歷禮科都給事疏凡數十上摘權要  
朋比無所畏避分校禮闈所拔皆奇士進太常卿終都  
察院右僉都御史泰州嘉靖時自江南飛派鳳米萬石  
民苦之後遂爲例耀特疏奏請得豁免州人賴之卒賜  
祭葬贈副都御史

泰州舊志

俞都美字士中江都人由廩例入太學授安州州同州  
瘠而多水都美爲治隄梁歲饑捐俸以賑攝定興縣篆  
嚴絕苞苴時客氏子弟狂橫里中以幣交都美毀刺笞  
其使聞者危之隨乞休歸草衣蔬食清介逼人

江都縣志

姚思孝字永言江都人崇徵戊辰進士改庶吉士授兵

揚州府志

卷之二十九 人物

至

科給事中首陳保固民心一疏言甚剴切又疏糾輔臣  
奪情罷歸後起太僕寺卿尋晉大理寺卿丁父艱返里  
思孝在諫垣前後上八十餘疏皆昌言讜論時望歸重  
焉

康熙府志

閻汝梅字和陽江都人布政使士選子崇徵辛未成進  
士卽署門自戒不預外事授陽穀令居官清慎擢刑部  
主事初汝梅舉於鄉時知府劉鐸以詩觸魏闈被逮人  
莫敢往汝梅獨省焉鐸貧爲緹騎所窘歸質百餘金以  
贈又勸紳士爲助有願輸金不書名汝梅哂曰有不測  
我獨任之奚慮焉其忠直尚義如此

江都縣志



李長倩字維曼興化人少師春芳曾孫崇徵甲戌進士性豁達以忠義自許居官勤敏力鋤強暴初授歸安知縣有貲郎恃姻黨輿援橫於里中民患苦之長倩廉其實跡捕繫獄權貴請乞書盈案不一啟視巡按御史欲寬之亦不從卒抵法在任五年舉卓異第一至京當權者以前事銜之乃遷主事教習駙馬都尉鞏永固永固殉國難最烈人以爲稟長倩之教云後長倩以副使視福建學政亦以憂勤國事而死閩人哀之有奏疏及存懶齋集 興化縣志

李清字映碧興化人少師春芳元孫也崇徵辛未進士揚州府志

卷之二十九 人物

五

由寧波推官擢刑科給事中熊文燦撫張獻忠清論其失策言後皆驗以久旱請寬刑忤旨貶浙江按察司照磨未赴憂歸起吏科給事中俄出封淮府國變得不與福王立復命南京進工科都給事中請追諡開國名臣及武熹兩朝忠諫諸臣於是李善長等十四人陸震等十四人左光斗等九人並得諡遷大理寺丞南都失守清方奉使祭南鎮復不與歸而著書以終 本傳

興化志云清在吏部上言諸臣持門戶於內不若奠封疆於外門戶之闕兩敗之道宋洛蜀朔黨可鑒宜量懲一二人以靜議論不報清於史學最爲專勤纂



述近百種其史論史畧正誤女世說已行世南北史  
南唐書合証十餘種藏於家

李時開字黃白儀真人天啟辛酉恩貢崇徵時授蜀儀隴令地比苗洞俗獷悍難治徵輸尤艱開至以廉正取信於民積逋有六七載者勸之輸恐後流賊五萬餘驟由漢中奔蜀抵儀隴儀隴故無城開率士民退保縣後山上壘土石爲砦凡六日粒皆絕但令取麥花與士民同茹得不死開猶韎韐小帽身率勁民馳射賊中賊始却事平理官李良基按視隴無恙求賂開不應以囚有越獄者譖於巡按使劾之開檄囚囚還按使亦悔然疏揚州府志

卷之二十九

人物

三

已行矣罷歸舟車皆不能具時故儀真令王伉家居濟之始還閉戶著書撰毛詩解意三百五篇隴民繪開像祀之有歲事禱則立應

儀徵縣志

魏應星號弁山興化人以副榜貢授雲南趙州通判署州事土寇犯境庫無寸兵日晡下令家輸鐵一觔竟夜督造達旦戈戟林立賊望風遁署鄧川州鄧城爲蛟鬻遷於山無城郭應星相山之凸坳者削平之勢遂壁立州距鶴慶麗江僅十里餘而古道迂曲行旅終日不得達應星捐金市油豆縱火十餘日夜道遂通來往便之稱魏公路焉

興化縣志



韓宗愈字斗望寶應人崇徵七年拔貢授安化知縣妖民黃邦明叛郡邑震恐宗愈修戰守備募死士用間出奇卒擒戮之遷銅仁府同知會諸苗煽亂獲其渠魁釋而不殺遣歸諭黨衆苗患悉平擢知府尋罷久之歸田里卒

寶應縣志

顧士奇字伯常興化人以拔貢授江華知縣江華屢被賊圍士奇內撫民獠外措兵餉威惠大行賊遂解去有府吏爲姦誣一薦紳子奪其塋域持府牒下江華士奇身至其處吏訴曰此有碑記在土中士奇令舁碑來破之又令舁土中他石來亦破之曰此濕彼燥殆爾埋之

揚州府志

卷之二十九 人物

奇

土中耳吏卽首伏時寧遠永明兩令皆貪墨與士奇同謁巡按巡按命左右解兩令印以授士奇攝其事兩令愧欲死而士奇廉能之聲震於全楚會母喪去任三邑之民號泣馳送百餘里服闋補浙江太平縣未任卒所著有檀兮樓集

興化縣志

韓如愈字唐山興化人崇徵辛未進士授貴州安化令土司安某與總兵殷朝陽有郤誘至家霍其目殷訟於官安輦重賄徧營黔大吏獨如愈叱弗受力請抵法竟削其秩辛巳奏最入都上親策以兵食大計稱旨擢工科給事中督漕江西奏真人張應京不宜賜第京師時



論遑之陞兵科右給事中時戎政不修而封疆告急如  
愈巡視京營稽核隱冒無所徇山東總兵劉澤清數失  
事陰使人刺取兵垣章奏如愈疏發其奸下其人於理  
澤清恐走書幣請解如愈詈而麾之澤清大恨後出都  
澤清遣麾下要於道遂遇害如愈廉直敢言不畏強禦  
天下惜之

康熙府志

興化志云時東林浙黨皆以門戶相爭如愈大書其  
堂曰見地一分南北卽是小人脚根不着東西方爲  
君子黨人悚愧

徐葆初字元赤江都人崇徵甲戌進士例授部主事以  
揚州府志

卷之二十九

人物

五

親老乞改南工部時流寇毀鳳陽陵寢尅期復建估費  
四十餘萬金工部尚書劉定國疏薦葆初督工役未三  
載竣工止費二十餘萬金朝廷嘉其廉幹擢本部郎中  
康熙府志

宮繼蘭字貞吉泰州人崇徵丁丑進士授工部都水司  
主事時建烽臺重城衆皆退避大司空劉遵憲知繼蘭  
才望委以專督節簡甚多視河夏陽倡議築城卒如其  
議出知兗州府兗爲藩封重地繼蘭嚴於立法親族莫  
敢撓清宿逋錢糧至二百六十三萬有奇當事欲薦繼  
蘭備兵兗東以母老請養歸嘯咏邱園者踰二十年復



起羅定兵備不赴卒於家祀鄉賢及宛府名宦康熙府志

鄭元勳字超宗先歛人家江都崇徵癸未進士以母老

家居甲申三月聞變痛哭出家資募勇俠貽書當道謂

宜建大帥統精銳以守河北會福王立興平伯高傑鎮

揚州傑與元勳有舊揚民喧傳元勳招傑來必蹂躪我

因閉城拒之傑怒掠城外將攻城元勳單騎入傑營曉

以大義傑為心折曰前事特別將楊成為之爾出禁令

退舍且誅楊成而揚民誤傳為揚城矣時巡撫黃家瑞

等會議於南城樓揚民洶洶持杖環列元勳至下馬就

坐為言城外事由楊成語未畢而聞者遽升樓攢刃害

揚州府志 卷之二十九 人物 美

之督師史可法斬倡亂者三人頭以祭元勳逾三日有

兵部職方之命而元勳已及於難李清鄭職方傳

傳又曰元勳年二十一舉天啟甲子應天鄉試第六

時弟元化子為虹生甫彌月一嫗抱而前曰昨得異

夢他年小郎君當與主同作忠義進士叩其詳媪不

復言至崇徵癸未會試元勳始與為虹同榜後元勳

遇害為虹亦以監察御史巡視仙霞關殉難嫗所云

果驗焉

國朝王永吉字修之高郵人明天啟乙丑進士授大田令

累遷戶部郎以才望備兵通州州多大俠亡命憑內璫



爲不法永吉嚴治不少貸崇徵末巡撫東省尋遷薊遼  
總督

王師定燕召永吉授大理卿陞工部侍郎以辭職違例罷歸  
尋召爲戶部左侍郎入見上十三疏皆允行晉兵部尚  
書轉左都御史拜祕書院大學士規畫大政凡十七事  
旋以公事左遷爲倉場侍郎條上十九疏僉報可復進  
國史院大學士加太子太保兼領吏部尚書上銓政二  
十餘疏多著爲令以科場事自劾左遷太常少卿擢左  
副都御史卒於官贈少保兼太子太保吏部尚書諡文  
通 康熙府志

揚州府志

卷之二十九

人物

七

宮偉鏐字紫懸泰州人明副使繼蘭子崇徵癸未進士  
授翰林院檢討入

國朝兩以薦舉起用援獨子終養例乞休歸築春雨草堂  
於小西湖遺址扃門高尚惟以著書爲事雖親朋罕覲  
其面著有春雨堂集五十卷泰州續志亦所手輯以子  
夢仁貴累贈光祿大夫 康熙府志

陳卓字懋修江都人順治丁亥進士由刑部郎遷四川  
提學僉事時蜀新定諸生文業荒廢卓出所攜經籍令  
諸生傳寫轉相教授由是文風日振按試保寧值賊劉  
文秀猝至卓乘城分守拒却之叙功擢陝西臨鞏道副



使覈驛傳侵漁之弊復官商分茶之法辨部民投逆徇  
僞劄者民咸德之擢湖廣叅政告歸卒祀鄉賢

康熙府志

車從軾字五車江都人以明經授太平府訓導郡值兵  
變御史毛九華委從軾守陴禦敵動中機要兵燹之後  
修文廟樂器及補輯尊經閣藏書課士從軾皆預有力  
焉

康熙府志

孫宗彝字孝則高郵人少負雋才性骨鯁以天下爲已  
任中順治丁亥進士授祕府中書累遷吏部考功郎中  
清嚴峭厲凡內外官餽遺槩却不受時有以城工授職  
者宗彝力持不可爲堂官所恚遂誣陷之幸獲免尋外

揚州府志

卷之二十九

人物

五

陞薊州分巡道副使予告歸念切桑梓誓除民疾苦高  
郵徭役爲民切膚害者有六曰優免馬差房差田差現  
催丁差宗彝力請當事設法捐除永著爲令民至今便  
之所論河工要害宜開海口堵六壩聚清水刷黃水爲  
淮揚治水石畫終以剛致禍被逮削籍卒於獄子弓安  
孫濩孫曾孫中俱舉於鄉

高郵州志

朱克簡字澹子寶應人順治丁亥進士授中書科中書  
擢監察御史巡按福建時海寇方熾首請仙霞嶺增兵  
築漳浦等處十餘城爲瀕海諸邑保障按巡至興化見  
流民載道疏請發粟賑濟更親加檢察官吏畏憚民沾



實惠念漳州殘破尤甚疏請連蠲兩年租賦民慶更生至汀州甫數日忽報省城被圍克簡卽率兵兼程赴援乃與巡撫各官殫心防守數旬不懈官軍告捷省城獲全時大帥駐漳海上擒獲者輒戮之克簡察知沿海居民多被俘掠請驗其髮短者從寬編戶爲民活者萬餘人涖閩止一年疏凡數十上如汰冗弁革帶辦禁株連蠲鹽課恤驛困諸疏懇惻剴切皆蒙

允可歸田後築環溪草堂博覽史籍至老不倦著有奏議四卷政畧二卷

寶應縣志

李宗孔字書雲江都人濂之子也登順治丁亥進士由揚州府志

卷之二十九

人物

堯

部郎授御史改給事中在臺垣先後疏凡四十餘上皆關吏治民生每同九卿奏事侃侃直言不附不阿後請假歸康熙三十八年

翠華南幸卽家晉大理寺少卿

御書香山洛社額以寵異之子錦鑰孫夢昂同聲皆先後登

科第

江都縣志

陳忠靖字爾位泰州人順治丁亥進士由中書科中書擢刑科給事中首陳早舉

經筵速差恤刑二疏皆報可時揚郡下河疊罹水患賦額不供部議擬分年帶徵忠靖疏言臣鄉頻年饑饉雖帶



徵無益惟懇全蠲以廣恩卹辭甚剴切得荷

俞允後以建言左遷歸里養父操几捧杖恂恂如孺子時生

平著述極富以疾卒於家

泰州志

石瑋字雯豐興化人順治丁亥進士任漳州府推官有

德政漳人稱爲石佛時海氛未靖洋艘環伺境上瑋竭

力守禦賴以無恙旣補東昌不數月遷兵部郎尤有聲

出守順德郡人相慶曰吾土隣東昌久稔司理治狀以

惠東昌者惠吾土幸矣未抵任卒於京邸

康熙府志

孫自成字物皆江都人順治丁亥進士知福建歸化縣

時閩廣初平旁邑多爲賊壘自成蒞任甫數月招徠七

揚州府志

卷之二十九

人物

卒

十餘寨民得休息事耕桑歸里遇桑梓利弊秉公直言

所著賦役管窺一帙言江都田賦最切要至今採擇之

江都縣志

徐烜字符禺興化人順治己丑進士時兩廣初入版圖

遴才能官撫綏烜甫釋褐卽授廣東督糧叅議時

王師集粵東烜備糗糧供芻茭大著勞績遷陝西叅政立州

縣更番轉運之法士馬藉以飽騰官民胥便晉山東按

察使獄囚多誣枉滯數十年不能理烜訊出之咸懽躍

慶更生臬司堂前有松栢久枯至是復榮父老傳爲烜

祥刑之驗云轉山西右布政遷貴州左布政復補廣東



以丁艱歸卒於家

興化縣志

趙應翰字述陽興化人順治己丑進士從

王師

征粵西授分守道屢擢霸州叅政往例閩兵兵各斂錢

爲使者費而供億仍責之州縣應翰至一切革除軍民

安堵值計典惟以直道甄別賢否毫無瞻徇以勤勞致

疾乞休歸里

興化縣志

鄭爲旭字方旦本歙人世居江都順治辛卯拔貢授中

書舍人遷工部主事擢御史巡視東北兩城掌京畿道

多所建白如選官須加驗看視學應遣詞臣申講讀律

令之條以厚風俗分進士舉貢援例班次以疏銓政臬

揚州府志

卷之二十九

人物

李

司遇命案不得率結罪人發遣減等者卽中途遇赦并

在部未結諸人皆應照例寬恤等疏俱次第舉行卒祀

鄉賢

江都縣志

郭礎字石公江都人順治壬辰進士授戶部主事歷知

順德府府東北有古大陸歲漲爲田廬害礎至先挑牛

尾河三百餘丈漸濬大郝黃楊諸口自是夏無橫溢其

積水可灌田數萬頃邢臺南和各屬邑皆賴之又修學

宮備祭器時與諸生論文課藝士民咸誦之

江都縣志

楊演字次羲興化人順治壬辰進士任邵陽知縣地值

兵燹之後供億浩繁民生困敝演至均撥夫徭官養驛



馬設循環冊以稽出入歲省民費數萬及卒於官做篋中惟圖書數卷而已

興化縣志

俞鐸字天木泰州人順治壬辰進士選庶吉士逾年授御史時值秋讞上疏停刑幾中危法巡按宣大疏罷監司之不職者又念淮揚數苦水患凡修堤勘災官每以供應擾民請單騎減從永著爲令疏入報可轉口北道叅議以估計獨石城工染疾卒於官

康熙府志

沈喬生字國望泰州人順治甲午拔貢授中書舍人歷處州同知保定知府皆有惠政擢陝西副使撫治肅州營辦軍需清勤自勵百姓安堵遠邇頌之以積勞成疾

揚州府志

卷之二十九

人物

奎

乞休歸蕭然一身至不能給衣食有州守某稔其名屏騶從造廬訪之時屆嚴冬喬生棲敗屋中裹緼袍曝日守愕然曰固知公清貧誠不意一寒至此喬生笑謝而已終無所干請焉

秦州志

郭士璟字眉樞先世涇陽人遷江都順治乙未進士改授常州教授常士以逋賦株連被黜甚衆士璟按名清查得實爲免數百人遷助教晉工部主事督權九江潔已恤商廉惠並著差竣乞歸惟故友數輩論文賦詩以老生平敦孝友有餘俸分給兄弟及族人貧乏者晚年著作益多有雜體詩文十七卷子元鈺元鈺

江都縣志



高凌雲字尺木江都人順治戊戌進士授嚴州府推官折獄平恕人稱長者旋告歸閉門課子樂與後進講舉子業決科名驗如卜筮焉凌雲爲諸生時家貧甚假館授徒迨登仕版食貧如故人益賢之子天驥康熙辛酉舉人官山陰知縣

江都縣志

金懷玉字式如江都人順治戊戌進士授泉州府推官時海氛未靖沿海州邑數十里外築牆爲界有踰牆出者以通海論懷玉至錄釋繫獄千餘人白上官曰此不過小民資漁利爲活者保無他也未幾弛禁人咸服其得政體遷瑞州府同知

江都縣志

揚州府志

卷之二十九 人物

三

吳元萊字北海明大學士銜子由中書歷部郎累擢直隸巡道以清廉著名吏民愛戴里居篤於孝友無私事干謁郡縣惟有裨於桑梓者力任其事邑遭水患多逋賦民苦敲朴舊有留抵糧餉爲墨吏侵蝕元萊毅然發其狀幾爲所中弗恤也里人德之卒祀鄉賢弟翔鳳博學能詩爲士林所推

興化續志彙

鄭爲光字晦中本歙人世居江都父俠如明季官工部司務以才能著爲光登順治己亥進士選庶吉士授監察御史巡視中城能禁豪強出冤獄以州縣賦稅叢弊請設循環簿稽之剔揚州關鈔積弊及請科舉廣額收



推陞實效節鳳米浮費諸疏皆報可卒於官祀鄉賢

都縣志

陳志紀字雁羣泰州人父凝祉由鄉舉歷任湖廣糧驛道以勞績著志紀幼穎異工文章順治己亥成進士選庶吉士辛丑會試分校所得士皆名雋及授編修會有詔求言志紀獨以翰林具疏劾天下督撫貪婪不法狀督撫并力營救志紀反爲所中謫戍寧古塔貧不能自存乃習醫拯人以給饗殮卒於戍所

泰州志

陳以恂字長恭興化人康熙辛丑進士任平遙知縣嘗有富室兄弟爭財構訟恂單騎至其家諭以至情兄弟

揚州府志

卷之二十九

人物

畜

皆大感動泣求改過和好倍篤所轄洪善驛額索民車供差使後改折銀民大受困恂爲詳革民乃安堵其助勦山賊支應大軍竭盡心力不以分文派民以疾告歸杜門著書家貧衣食不足恬如也所著有周易心學篇春秋三傳合註檀弓解畧宋元明三朝史鈔共八十餘

卷

康熙府志

王有容字遠度寶應人少侍東林高顧諸正人力學砥行有利物之志久之不遇膺歲薦康熙二年選泰和知縣時年七十有八子凝鼎等阻其行有容曰余年雖老志存利物今得作親民官敢以老辭耶治泰和一年餘



却耗羨薄徭役修葺學宮及楊文貞羅文莊王文端祠  
卒之日泰和之人爲之罷市

寶應縣志

劉梁嵩字玉少江都人有綸子幼有文名登康熙甲辰  
進士知江西崇義縣甲寅賊犯崇義孤城無援梁嵩募  
義勇身先士卒登陴固守擒賊七十餘人城得不陷境  
內以安以勞瘁卒於官

江都縣志

賈其音字叶六高郵人康熙癸卯與兄良璧同舉於鄉  
丁未成進士初任陝西咸寧知縣當吳逆蹂川咸寧爲  
屯聚地

王師征勦供億旁午又初裁司李重案悉由縣官爰書判牒

揚州府志

卷之二十九 人物

奎

煩如蝟毛其音手自擘畫游刃有餘再爲浙江麗水縣  
地瘠民貧治一如初丁卯鄉試入浙闈分校夜宿公館  
有人從神龕中出袖中出小帖云當道所遣其音厲聲  
曰我從寒士起家荷

國厚恩今不遴選真才而敢蹈不法自開其竇耶龕中人  
惶恐去已而榜頭出其房餘俱有盛名歸後卜築城東  
謝絕外事惟以厚鄉里卹宗親爲亟務著有雨香亭百  
四樓倦還堂諸詩集

高郵州志

喬萊號石林寶應人可聘子康熙丁未進士授內閣中  
書舍人



召試博學宏詞改編修累遷日講官起居注翰林院侍讀館閣代言之文後進遵爲模楷尤工史法爲同館汪琬朱夔尊等所推服奏對河工事上四不可議關淮揚民生休戚鄉人德之歸田後著易俟二十卷子崇烈丙戌進士翰林院庶吉士亦工詩善書

寶應續志彙

張問達字天民江都人明末爲諸生值史可法守揚州高傑以鎮將欲屯兵城內問達詣軍門力陳傑克悍擾民狀可法怒其阻撓將按以軍法有龔克初者從旁大呼曰此壯士不可殺可法遂召入論時事改容禮之康熙五年舉順天鄉試適有奏撤揚州兩東門城垣者部揚州府志

卷之二十九

人物

矣

議問揚人問達堅持不可乃止尋署休寧教諭遷知趙城縣多善政罷歸以講學終老

江都縣志

宮夢仁字宗袞泰州人偉鏐子十歲善屬文長益博極羣書康熙庚戌會試第一人選庶吉士改授御史多所建白疏十數上皆切中利弊尤諳河務因淮黃泛溢急請疏理海口且繪圖入告出爲河南督糧叅議補湖北驛鹽叅議晉山東提學副使皆清勤有德政累遷右副都御史巡撫福建察臺灣之勒派稽通省之盈虛禁人命之株連嚴兵餉之扣剋俱有功於閩疆逾年罷歸卒於家弟鴻曆丙戌進士翰林院編修孫雒乙未進士中



書舍人 秦州志

金相玉字水蒼高郵人康熙庚戌進士任保定新安縣知縣邑有巨盜王磐恣爲橫虐前令畏其猾黠不敢問相玉下車卽按捕寘於法四境肅然治內故有蘆葦水利久爲豪強侵占相玉理於上官力爭之盡復其舊聞高士杜紫峯名折節禮之爲邑人矜式未幾卒於官士民哀號咸歛賻紀其喪祀之名宦相玉好讀書自爲諸生至仕進手不釋卷著有地官十卷策畧全書尚書說約史漢纂禮記春秋纂秋齋詩文集若干卷 高郵州志

陳瑄字仲宣高郵人康熙庚戌進士初任四川遵義知揚州府志

卷之二十九 人物

李

縣丁內艱服除起浙江昌化縣皆有廉能聲行取入都補刑部主事奉

命監

通州大西倉通倉故多猾吏善以利惑上官因得恣意侵漁瑄至定斛面革科派簿籍清明無毫髮染擢戶部河南司員外郎轉山西司郎中歷官二十年橐無私積俸入不能贍孑身僦屋以居卒於官蕭然一窶士也人服其清白云 高郵州志

李柎字木庵興化人明少師春芳五世孫給事中清子也康熙癸丑進士選庶吉士授檢討歷宮坊閣學晉工部侍郎奏免本邑版荒田糧鄉人以賴之祭告南嶽旋奉



命督學兩浙在道聞母喪奔歸服闋就職轉戶部擢左都御史疏凡數十上其言河工如挑新河以疏清口聯木筏沉鐵釜以殺水勢塞顏家莊決口使黃流循行北岸毀雲梯關北壩使下水暢流入海又宜乘時深濬河底不致堤勢日高民居益下皆切中機宜先後報可他如論督撫覆奏不當詆毀言官巡撫察吏安民當許出境諏訪藩司宜停陞本省巡撫以杜虧空兵餉就近支放以便兵民撥糧儲海運以急拯東省饑民遴刑部司屬以慎重人命大案俱有關國計民生之大者秉憲五年以原官致仕卒於家

揚州府志

卷之二十九

人物

六

賜祭葬如例所著有大遠堂奏議文集藥圃詩集律例集解若干卷子炳石孫肇域先後舉於鄉

參誌銘奏議

張琴字桐峯泰州人康熙癸丑進士授內閣中書琴少時遭父喪適輪充河所里長河所花戶以船爲家漂泊無定凡額徵麻膠皮羽菱蒲之屬皆責成里長自解部寺奏銷琴由是家業蕩然日則辦役夜則讀書入庠後復輪里長因走白臺使極陳困苦狀得邀咨題改折彙入地丁欸內官解自是河所六里永除積困生平尤留心經濟實學嘗著淮黃交會開濬海口諸議及曆法兵刑樂律漕運鹽法馬政屯田諸篇當事多採擇其言用



有成效 泰州志

許承宣字力臣江都人康熙丙辰進士選庶吉士授工科給事中首陳揚州水利賦役二疏剴切詳明大禱桑梓辛酉典陝西鄉試還京條秦晉間利弊六事上之并請刊

御製文集及廣捐修學宮之例悉見嘉納後假歸卒於家著有詩文全集奏議若干卷先是承宣父明賢倣儻多才畧兄承宗善紹父志視兩弟極友愛今明賢承宗及承宣并祀鄉賢 江都縣志

汪楫字舟次先世休寧人遷江都官蘄榆教諭康熙己揚州府志

卷之二十九 人物

堯

未薦舉博學宏詞

御試授翰林院檢討與修明史旋充冊封琉球正使既至宣示

天朝威德爲其國撰孔子廟碑默識尚氏世次撰中山沿革志瀕行例有餽贈楫概卻不受國人建郤金亭志之以才畧出知河南府置學田於嵩陽書院聘詹事耿介主其事擢福建按察使布政使治績尤著內陞京卿途次得疾卒於家祀鄉賢子寅衷能世其文學 江都縣志

成康保字安若寶應人康熙己未進士授中書舍人遷浙江台州府同知台山深箐密奸宄易滋康保飭聯保



甲摘發擒治盜賊屏息百姓安枕台衛屯田地多磽瘠  
又弁役需索承墾者寡康保招墾布惠數年皆成沃壤  
屬邑仙居額徵秋米撥解兵糧歲二千石山路崎嶇每  
米一石約費白銀一兩有奇康保署縣時詳請改折歲  
省仙民金錢無算又攝麗水凡盜案疑獄歲久不決者  
康保一鞠卽明沉寃盡釋一郡稱頌卒祀名宦

寶應續

志藁

劉國黻字禹美寶應人康熙壬戌進士選庶吉士改授  
戶科給事中晉都給事念天下田畝不一賦役不均或  
田少而賦重或田多而賦輕疏請詳覆折數顯明畫一  
揚州府志

卷之二十九

人物

七

刊載賦役全書以垂永久

上可其奏遷通政事叅議歷督捕理事官考覈則例刊布內  
外凡逃人根株連累勒取州縣官職名待劾者弊盡剔  
除由是督捕案牘濶稀

朝廷乃裁其官而改國黻爲鴻臚爲人和平篤厚凡疎戚  
貧宗無不收恤噓植後進不遺餘力雖早達不懈於學  
有詩文集若干卷子師恕庚辰進士內閣學士福建觀  
風使

叅誌銘奏疏

吳世杰字萬子高郵人康熙乙丑進士少讀書不爲無  
用之學遇天下大計手指口畫皆能見諸施行當甲寅



三逆亂後江浙婦女被俘掠在金陵者至數百人髡面  
誓死道路酸鼻杰方辦入都挾三百金裝罄囊贖之不  
足仍募所知具舟計道里費次第遣歸諸婦女復得生  
聚庚申歲洪水入高郵城一晝夜高數尺老幼胥溺杰  
率民夫徒跣立水中壞所置房舍塞城決處水勢乃止  
全活數萬人乙丑水復至風雨暴作朽骨浮齒漂蕩蔽  
水面杰多賃小舟偏赴拯救水落復瘞埋流尸無算時  
州民就食郡城者多栖河干下濕上蒸慮死癘疫則出  
貲治藥餌市米麥以給不能歸者買舟送還故土郵舊  
苦役重有公正排年等名公私交困杰以書謁巡撫湯

揚州府志

卷之二十九

人物

七

斌媿媿數千言爲民請命斌廉得其狀悉捐除之歲省  
費鉅萬他若白寃表節恤喪扶孤皆爲人所不能爲者  
至今江淮間稱有用之學云惜未仕而卒著有甓湖草

堂詩文行世

高郵州志

張瑾字去瑕甘泉人康熙癸卯舉人知雲南昆明縣時  
吳逆初平民未復業瑾爲給牛種招墾荒地請開白沙  
清水馬裏三河灌之又於近郊三十里令種桑柘民資  
其利聽訟片言立折凡他郡疑獄上官悉下瑾理之將  
行取卒於官百姓哀號送喪者數萬人祀昆明名宦江  
都鄉賢子元幹歲貢生望江教諭孫祖雲庚子舉人



朱宸字劬孺寶應人康熙丁丑進士授浙江諸暨知縣諸暨田地濱湖歲憂旱澇宸夙諳河務爲倣南河規制於泌湖建石閘隨時啓閉以資蓄洩由是水利大興暨邑爲立生祠時巡撫趙申喬以宸清正極器重之郡守某與宸素不合且奉職無狀屢被巡撫督責守疑宸之下石也適有僧出入制府幕中守賄僧文致宸歛制府遂劾罷宸萬民爲之稱冤里居十八年尚書張鵬翮將以宸名列薦劾以年老婉辭卒於家

繆沅字湘芷泰州人曾祖欽明崇徵間以布衣伏闕上書歲免泰州浮糧一萬五千餘石沅生八歲卽能詩文

揚州府志

卷之二十九

人物

七

長而學業益富康熙己丑登一甲第三人授翰林院編修提督湖廣學政請託盡絕不染一私訓士子殫心經學每試一郡畢必與諸生會講三日而後去使竣改授給事中凡有關國計民生之事多所陳奏歷陞內閣學士奉

命平糶江西穀石察審山東案件皆稱公平再遷工部左侍郎轉刑部每閱爰書反復詳慎平反中全活甚衆雍正七年卒於官事聞

賜白金五百兩助其喪卹典有加子四人俱登科甲

方覲字近雯江都人康熙己丑進士選庶吉士授編修



督學四川葺文翁講堂爲書院令多士肄業其中月給薪米費遠近就者甚衆雍正二年改授御史轉戶科給事中巡視船廠覲條陳事宜十一款皆報可使竣隨差晉通州坐糧廳以勤慎著擢浙江按察使署布政使兼護理兩浙鹽政未幾晉西安布政使病已劇扶病就道至六合縣卒於旅舍奉

旨加太常寺正卿銜給帑金五百兩治喪仍

賜祭葬子夢駟庚子舉人

唐繼祖字序皇江都人詩之子素以博學爲名諸生康熙辛丑成進士改庶吉士授檢討轉禮部主事以薦擢

揚州府志

卷之二十九

人物

七

監察御史數有建白皆見施行陞工科都給事中巡南漕有功復使巡湖南北將還授通政叅議旋改鴻臚卿旣入卽遣署河南按察使尋調湖北辨冤獄多平反爲楚人愛戴以病歸尋卒家無餘財鄉人稱之

揚州府志卷之二十九

終